

近代中國史料叢刊第十八輯
沈雲龍主編

雲南勘界籌邊記

姚文棟著

附：偵探記·集思廣益編

文海出版社印行

雲南勤畝不壽
邊記

周錫先題首

雲貴總督片

再鹽運使銜直隸候補知府姚文棟前充出使俄德等國隨員差滿回華呈請游歷印度緬甸等處道出巴黎徑出使英法大臣薛福成派令查探印緬商情並滇緬界務咨明總理各國事務衙門及臣等有案茲該員已於緬甸新街取道騰越行抵滇省臣等查姚文棟志趣遠大辦事誠懇平日講求洋務研究輿圖先充出使日本隨員繼由侍郎洪鈞調赴俄德等國隨同辦事該員周歷東西兩洋熟諳外部情形此

次游歷印緬地方並流覽滇邊門戶凡有關形勢之處無不博訪周諮繪圖記載滇省近鄰緬越現與英法交涉滇緬分界通商各事宜尙未開辦亟須熟習洋務之員相爲助理合無仰懇

天恩俯念滇省需材孔亟准將鹽運使銜直隸候補知府姚文棟畱於雲南交臣等差遣委用實於邊務不無裨益謹合詞附片陳請伏乞

聖鑒謹奏

雲貴總督片

再二品銜直隸候補道姚文棟出洋差滿因公來滇
經臣等於光緒十七年六月附片奏請留滇差委欽
奉

硃批著照所請吏部知道欽此欽遵在案茲據該員
稟稱自光緒七年隨使出洋先後計逾十年此次留
滇當差復二年有半現接家信祖塋年久失修必須
及時補葺現在並無經手未完事件懇請銷差離滇
給咨回籍修墓等情前來臣查姚文棟經出使英法

大臣薛福成委令查看印緬商情及滇緬界務遠涉
重洋歷經烟瘴考核精細艱苦備嘗留滇以來歷次
差委均無貽誤茲既據該員稟請回籍修墓查無經
手未完事件自應准其銷差離省除咨吏部查照外
理合會同雲南巡撫臣譚鈞培附片陳明伏乞

聖鑒謹

奏奉

硃批吏部知道欽此

原
书
缺
页

原
书
缺
页

雲南勘界籌邊記上卷目錄

邊界圖

西界已刊南界俟補

論大金沙江形勢上

論大金沙江形勢下

大金沙江形勢續論

南甸土司屬地直至大金沙江考

老蠻暮爲中國必爭之地論

野人山說

八關非滇緬之界辨

言應越關隘碉堡

里麻說

樹漿廠考

論木邦孟密

潞江通舟說

潞江下游以東皆中國屬地考

潞江以東土司論

論大金沙江形勢上

大金沙江形勢其下游去滇遠者吾且不論論其上
游本爲滇屬者按永昌騰越諸志南甸傳云屬部直
抵金沙江與孟養地犬牙相錯又云所部戛獨直通
蠻暮江蠻暮傳云地在金沙江內騰越之西蠻哈山
下當緬人水陸之衝爲隴川右臂孟養傳云其地在
金沙江外古名逸西有香柏城與蠻暮同襟金沙江
孟養居其上流南至底馬撒疆連西洋北極吐蕃西
通天竺東南鄰於緬合此三土司觀之而上游之形

勢備矣孟養之上又有孟拱蠻暮之上又有曼鳩志
皆無傳然騰越四履土產諸篇論之曰從前州境盡
大金沙江內外兼曼鳩蠻暮孟拱孟養而有之蓋蠻
暮曼鳩在江內者也孟養孟拱在江外者也夾江內
外以衛騰越天塹何其雄也江以內有蠻哈南牙諸
山爲之重險表裏山河又何壯也此大金沙江當日
之形勢也明張機作南金沙江考以爲卽梁州之黑
水禹蹟所畫確不可移故論者謂西南極邊由瀾滄
而潞以迄於黑水之金沙爲梁州第一大門戶明時

孟養通文書自稱守金沙江奴婢守此門戶者也由是言之滇其可無大金沙江乎大金沙江內外其可無孟養諸土司乎嘗考我

朝定鼎之初平滇之後孟拱孟養等首先內附見於毛奇齡蠻司合誌毛奇齡廼據史館官書非耳食無稽者比其後征緬之役孟拱孟養皆抒誠効力

高宗御製詩文一再及之尤天下臣民所共覩者焉得謂之非

本朝屬地乎今蠻暮孟拱等土司猶有

本朝所頒印信雖向英國索還故地揆之於理無不可也。能如是則大金沙江之形勢完而全滇之門戶鞏矣。

論大金沙江形勢下

騰越境內之水流入大金沙江舉其大者言之一日
檳榔江一日龍川江雲南通志云檳榔江自古勇塞
外流入合騰越廳所出之大盈江西南流出蠻暮境
西入大金沙江凡騰越以西之水皆入馬龍川江自
怒夷界入邊納曲石猛淋芒市南椀諸河西南自天
馬關流出緬甸入大金沙江凡騰越東南及龍陵以
西之水皆入馬騰越志云甸內甸外諸水以大盈江
龍江兩大水括之可約畧而盡蓋檳榔江與大盈江

合流之後或稱檳榔江或稱大盈江其實一也龍江則卽龍川江也今考兩江入金沙之口本皆在滇屬土司境內龍川入江之口爲蠻暮南境流經木邦孟密至此緬人稱曰那莫江滇中諸志或作莫勒江者誤按騰越志蠻暮傳云東有等練山環以那莫江直走金沙當緬人水陸之衝此江是也此龍川江尾舊屬滇境之明徵也檳榔大盈合流入江之口爲蠻暮北境俗亦稱爲蠻暮江流經南甸之南牙山麓至此說者謂其地正當蠻暮南甸之交故騰越志南甸傳

云所部憂獨直通蠻暮江卽指此江也此大盈江尾現屬滇境之明徵也試以大金沙江形勢言之自緬京阿瓦而上以瑞姑新街兩處爲瀕江要地瑞姑雲南通志作尼孤乾隆時經畧大學士傅恒征緬探得此路由天馬關出五百九十五里至此下船約三百里卽至阿瓦城較諸路尤爲近捷者是也此處江道上有大葫蘆口下有小葫蘆口夾江皆高山江面窄而底極深兩端皆似葫蘆口故名張機南金沙江考所云大苜蒲山峽小苜蒲山峽也爲上游江道最險

之處論者謂不得瑞姑則新街難守不得新街則騰越難守蓋恃此兩峽以爲險也昔年蠻暮土司都於新街而扼瑞姑以禦緬甸瑞姑新街皆蠻暮屬地大金沙江上游形勝要害之所在也龍川入金沙江在瑞姑之南小葫蘆口之北新街在大葫蘆口之北而大盈江入金沙之口則又在新街之北皆爲水道旁出之地異時與英勘界如能收回瑞姑及兩葫蘆口則龍川江一路可以無虞最爲上策其次亦須至大盈江入金沙江之口而止以保全南甸舊日之分地

南甸係現屬騰越土司尤非若蠻暮土司自道光以
來棄置不問者可比也

大金沙江形勢續論


難者曰子論大金沙江一在江外之孟養一在下江之蠻暮皆爲滇西形勢所繫然則昔人何不籌之而必待子發之於今耶曰嘻是殆以爲一人之私言歟不徵之於昔將不足信歟夫苟有識者固莫不知之矣豈論今昔哉無已試誦言其一二不觀明臣陳用賓請罷採寶井疏乎其辭云夫蠻暮何地也三宣之藩籬也三宣騰永之垣墉騰永全滇之門戶也蠻暮失必無三宣三宣失必無騰永蓋用賓之論如此而

後人作騰越志乃謂其築八關以棄關外之險豈其實哉又不觀蘇鄧請安插思化疏乎其辭云夫滇南大勢譬之一家蒼洱以東則爲堂奧騰永則爲門戶三宜蠻暮則爲藩籬也所貴藩籬者謂其外禦盜寇內固門庭使爲主人者得優游堂奧以生聚子孫保有貨財斯協名實按王鴻緒明史稿言鄧忌李材招思化以破緬甸之功構之陷獄鄧之爲人可知也然能指陳邊庭大勢其言頗中肯綮則亦非今之忌人成功者所能及矣此皆論蠻暮之形勢者也至於江

外則明儒吳宗堯嘗論之其言曰金沙與瀾潞三水皆源吐蕃入南海號南中經流而金沙江之大且十倍瀾潞極邊有此固天所以限夷夏也然昔論江南形勢者必得江北之地而後江可守築三受降城者越河之外而後河可用宗堯此論雖不言孟養而江外之地固孟養也是卽論孟養之形勢者也且吾見明人之談邊事者言蠻暮必兼言允墨更及於茶山蓋大金沙江上流直通至茶山而允墨亦瀕江要地也允墨卽今允甸與曼鳩相連苟蠻暮不亡則允墨

在內地不必論也孟養之上則有孟拱玉石之所產也苟孟養不亡孟拱不必論也由江外而登茶山階梯於孟拱由江內而登茶山階梯於允冒苟允冒孟拱不亡則茶山亦不必論也此吾所以專論蠻蕃與孟養也騰越志稱茶山之北與麗江野人接境是故茶山有失則麗江危不惟騰越之患也又言孟養北接吐蕃爲今前後兩藏地是故孟養有失則兩藏皆危又不惟滇之患也此其大畧也書不云乎申畫郊圻慎固封守內地且然而况邊徼乎易不云乎王公

設險以守其國險之未足猶且設之而況於自然之險乎聞者其勿以予言爲河漢也



--	--	--	--

南甸土司屬地直至大金沙江考

滇與緬有老界新界老界乾隆以前之界新界今日之界也以滇西一面言之乾隆以前大金沙江內外有蠻暮孟密孟養孟拱諸土司屬於騰越夾江兩岸雄跨上游形勢甚壯蠻暮所屬之瑞姑爲江道喉隘有上下兩口可扼之以爲守此老界也新界則以現屬南甸等土司之地爲界溯大金沙江而止何以明之請一徵之永昌府志再徵之騰越廳志按永昌府志云南甸轄部有羅布司莊小隴川皆百夫長分地

知事謝氏居曩宋閩氏居蓋西屬部直抵大金沙江
與孟養地犬牙相錯又云南牙山甚高延袤百餘里
官道經之上有石梯夷人据此爲險此一証也騰越
廳志云南甸所屬羅卜思莊與小隴川皆百夫長之
分地其世襲知事者二曰謝氏曰閩氏謝氏居曩宋
閩氏居蓋西所部蔓獨直通蠻暮江又云司南百里
爲南牙山險峻延袤百餘里爲入緬之大路上有石
梯緣梯而上有木柵周一里昔王驥破麓川取道於
此前通銅壁關關外布嶺垂哈舊爲百夫長地又云

踰蓋達外有岡德戶岡近孟養故南甸所部直抵大
金沙江此又一証也南牙山卽俗所稱野人山石梯
之險今猶在焉山中有三道一出蓋西一出蓋達一
經石梯之險皆以山外之大金沙江爲界此南甸形
勢之大概也按南甸本名南宋自明初分地受職終
明之世未嘗改更故明史成於

本朝亦稱其屬部直抵大金沙江地最廣未嘗言其
失地於緬也議者乃謂陳用賓築八關而關外之地
棄之域外斯亦謬矣

國初以來南甸早隸版圖至今提封無恙官書如

夫清會典

夫清一統志

皇朝三通私家著述如顧祖禹方輿紀要毛奇齡蠻
司合誌師範滇繫諸書皆有南甸屬地直至大金沙
江之明文豈非厯厯可信之確証乎夫騰越以西大
金沙江為第一重門戶昔人固已言之野人山為第
二重門戶則即滇中志乘所載之南牙諸山也古稱
勇夫重閉可以為國者是之謂矣獨是蠻暮孟密孟

養孟拱諸土司乾隆以前內屬日守守在江外有金湯之固其後折入於緬而漫無覺知外戶撤矣是昔日疆吏之過也然南甸屬地猶自畫江爲守野人山在其內則猶守在山外也今若舉野人山而棄之內戶亦撤矣重險皆失將何以保是所望於今日封疆大吏及勘界之使有以維持之也

聖南書院籌遠計

卷上

二

老蠻暮爲中國必爭之地論

老蠻暮者在大金沙江之東大盈江之北又兩江交會之處也南甸土司分地至此而盡隔大金沙江爲孟養土司騰越志南甸傳云屬部直抵金沙江與孟養地犬牙相錯是也隔大盈江爲蠻暮土司卽今新街南甸傳又云所部曼獨直通蠻暮江是也大盈江上流與檳榔江相合在干崖土司境溯流而上卽至騰越自來談騰越形勢者必曰大金沙江之兩葫蘆口其外戶也而瑞姑爲之鎖鑰蠻暮土司之地盡於

此也大盈江口其寢室之門也而老蠻暮爲之鎖鑰南甸土司之地盡於此也是皆本屬於騰越者也夫外戶猶且不當讓何況寢室之門乎舊屬土司蠻暮之地猶且不當讓何況現屬土司南甸之地乎是故滇西之界如棄大金沙江外之孟養而不問并棄大盈江外之新街而不問亦必以大盈江與大金沙江會合之處爲止其西卽以大金沙江爲界其南卽以大盈江爲界則雖棄其外戶而猶保寢室之門也棄其舊屬土司而猶保現屬土司所有之分地也故曰

老蠻暮爲中國必爭之地也

野人山說

野人山卽騰越西境羣山非域外之地也山中野人額設撫夷以治之轄於諸土司非化外之民也騰越發源之大盈江合檳榔江而橫出於羣山之間故在江之南者有南牙山等練山在江之北者有蠻哈山布嶺山又有猛弄山息馬山曩送河源山又有猛夏山其名實繁未可枚舉要皆騰越北境姊妹山所分之一支耳山之在騰越西境者只有此數非羣山而外別有所謂野人山也野人山者蓋俗所名爾自騰

越西至大金沙江濱不過數百里而遙雖山路崎嶇人馬難行亦不俟旬日可達野人山尙在其內也聞者不知其名之具於志乘而疑爲荒渺難稽之域此皆由耳食之誤也夫雲南種人最多通志列爲六卷凡有一百四十餘種野人亦種人之一耳今騰越四山皆有野人漢夷錯處爲日已久豈獨西境然哉若西境之野人皆轄於土司者也昔人有言憂土司之地廣不治故設八關九隘之撫夷以佐助之撫夷者撫山中之野夷乾隆三十五年所設有正有副皆有

定額垂爲令典者也道光初年諸生何自澧作騰越邊務得失論云南甸土司所屬野人二十一寨凡離城四五十里以至百餘里日事搶劫殺人不償命其餘六司去城愈遠入山愈深野匪亦愈甚每窮民出入搶一案而傷三五人至七八人不等甚至土司因以爲利搶去之人口驟馬貨物土司串合野官許若干金准贖否則貨物瓜分而商人失望子女爲奴而老死夷山誠因凡搶一案非土司之兄弟主使卽族目屬官分肥故也土司習以爲常縱其野匪夜則沿

林燒殺晝則要路劫搶一日而二三起報官者有矣
文武衙門苦於無法有營弁被害而以別故報者矣
有家人被殺而以賞撫畢者矣有防汛之官雖明爲
野人所傷而以一病故了其事者各汎多有矣野匪
若此之猖獗非治邊者之責哉又云必得以夷攻夷
之法庶乃有濟如南甸所屬之山頭野寨勒令南甸
土司赴府親具認限嚴緝滋事野夷違者勦滅至者
招安則野人不敢搶劫六司一律遵行倘有一司違
命立即調詳又或某司先報功者加以獎賞不患搶

劫之不平此不勞矢石不費帑金而救民水火者也
此論於土司轄治野夷言之最爲明晰故詳錄之庶
以破耳食者之疑焉謹按嘉慶二十五年大學士伯
麟總督雲貴進種人圖說云永昌一郡與順甯皆界
連緬甸順甯外接木邦隔以猓黑永昌外接蠻暮隔
以野人緬人不能跨猓黑越野人而連內地又云野
夷性情亦畧類猓黑但猓黑一目能統數十寨野夷
則數十戶皆爲一寨卽自置一長渙散無統
觀此益知今所謂野人山者素屬沿邊要地誠不宜

有疏失也夫外國之人越重洋數萬里而來其視吾
邊境羣山已了了如數掌上紋而吾守邊將吏在數
百里間對之如望洋杳然不知其所極豈不可慨矣
乎

八關非滇緬之界辨

騰越總兵張松林議以神護等關爲滇緬之界藩司
史念祖善後局道員湯壽銘皆附會其說意在畫關
爲守棄野人山於界外此真大謬未可置之而不辨
也夫八關設於前明在野人山之內自

國初以至乾隆嘗越野人山外之大金沙江而有孟
拱孟養兩土司之地曷嘗以明關爲限乎此其謬之
易明者一也今制各關額設撫夷一名若內地之巡
檢者然由各土司自選親族爲之而報其名於騰越

廳署撫夷者撫關外之夷卽山中之野人也又額設
弩手若干名爲撫夷所轄以山中之野人爲之每季
由土司調操其餉係騰越廳署所發如使關外之野
人山不在中國界內各土司焉得撫其地而用其人
而騰越廳署又何爲越俎以司其政令乎此其謬之
易明者二也且明亦未嘗以關爲界也當明臣陳用
賓設關之時又開二十二屯田名之曰甸甸多有在
關外者滇志列八關之名而分疏之曰銅壁關設於
布嶺在蠻哈山內南甸宜撫司地所以控制蠻哈海

黑蠻暮之要隘也萬仞關設於蓋達山後在弔橋後
猛弄山頂所以控制港得港勒迤西等之要路也

迤西

謂孟

神護關設於蓋西後猛戛山所以控制茶山古

勇威緬迤西等路也巨石關設於戶崗息馬山所以
控制戶崗迤西要路也此四關設蠻哈守備以守之
者也鐵壁關設於等練山所以控制蠻暮之水路也
虎踞關設於邦杭山所以控制蠻棍遮鰲先腦猛密
之要路也天馬關設於邦欠山所以控制猛廣猛曲
猛密等處之要路也漢龍關設於工回者也此四關

設隴把守備以守之者也由是言之明人設關之意
蓋可見矣皆所以控制山外之路並無以關爲界之
明文也兩守備與八關同時並設而蠻哈守備所駐
之地且在關外明亦何嘗視關外爲棄地乎此其謬
之易明者三也明史成於

本朝一則曰南甸屬部直至金沙江地最廣再則曰
司南百里有關立木爲柵周一里曰南牙南牙山名
卽野人山也終明之世自野人山西至大金沙江皆
爲南甸屬地未嘗變更今南甸尙存則其幅員如故

觀永昌騰越新舊諸志皆沿明史舊文何時淪爲異域乎此其謬之易明者四也夫野人山爲天設之險所以限隔中外者也山中鳥道羊腸僅容一人一騎易守而難攻也守山者必在山外守江者必在江外果能收回乾隆時舊屬之孟養孟拱兩土司則守在江外之說也保守現屬土司南甸等之分地至大金沙江而止則守在山外之說也若既棄險以與敵縱敵以入險棄關外數千里之野人山自蹙吾界而斤斤焉欲守山內之關關何足恃乎且今日之關亦大

與昔異矣關圯已久徒有關之名耳而山中徑路紛歧隨時遷易現在往來出入之衝衢要道多不在舊關之地豈惟無關可守假令守之亦未見爲益也是故守關之說卽是不守之別名特借此以欺朦上台淆亂聽聞而已今試博詢之邊地耆老明所置關今可守否關外之野人山果非中國界否史志所稱南甸屬部至野人山外之大金沙江而止果不可信否必有識者起而爭之矣聞去年永昌知府鄒馨蘭至騰越告洋人無得踰關侵入我界又告邊民以洋人

既未入關涉及吾界無得驚惶自擾是明以關外之地許洋人矣所幸制軍王公電致京師言洋人雖入山不得以兵所過處卽爲其界庶異時勘界大臣猶可據理以爭挽之於後也

皇清起勇鑾遠訂

卷上

三

論騰越關隘碉堡

任騰越事者莫不知有八關九隘矣詢以邊防之要則曰有八關九隘在噫亦知八關九隘之早不足恃乎名雖存而久非其實乎夫陳用賓弱緬之功在乎約暹羅以夾攻不在乎築關隘也且其築關之始設兩守備一駐關外一駐關內又開二十二屯田以衛之非如今日之空關孤懸而無薄者也神護關築未久而旋圯用賓遂不再築故知其意本亦一時權宜之策未嘗以爲經久可行也不觀土人吳宗堯之論

乎曰至於夷路雜出非可以八關之設而禁止內入
一關設兵把隘不過二三十名豈能禦蜂蝟而閉以
謝之况有兵之名而無其實哉先年思正內奔瓦酋
追逐長驅而來有一關當之否其言亦明切矣考

本朝康熙乾隆時猶沿明志各關隘皆有守兵今則
關已盡圮蔓草爲墟兵亦久撤額制無存矣而籌邊
者猶津津及之將謂故關遺蹟荒山鬼雄自能禦敵
耶又按道光初年知州胡啟榮以騰越四面環列野
夷寨落因仿楚南成例築沿邊碉堡七十餘處以屯

練丁守之其時土人何自澆論之曰方今廳主胡公以能員之幹濟仿楚南之良規建碉設堡買置練田養練守碉官既多費帑金而不惜民豈多派力役而敢怨然竟有不願建碉堡之地者緣騰屬多山山多則嶺亦多今有碉堡之地十二三而野匪便於出搶之嶺十七八不似楚南之有要隘可以碉堡禦寇也今試合前後兩說觀之則可知騰越所謂關隘碉堡者皆無當於設險之義其不足恃也明矣然則若何而可曰昔日之關隘碉堡皆在山內故雖禦小寇而

猶不足無論強敵矣今宜移之於山外沿江屯鑿以
護諸山要隘之口庶乎得其地爾

里麻說

里麻亦在大金沙江之內土司雖絕滅而地轄於騰越蓋其初本騰越所轄土司也吳宗堯騰越形勢論云考之里麻長官司溯金沙江而後達是騰所至西曰里麻則騰境蓋止於江之濱也師範滇繫云自騰西道八程至里麻界十程抵孟養境按孟養在江外里麻在江內疑瀕江之允冒戛鳩亦里麻故地矣予在邊地聞土人云列牟地方亦中外關鍵外接允冒戛鳩內通蓋西蓋達考之知爲里麻之訛然滇中記

載里麻亦作李麻第傳其音不必有一定之字也自

蓋西出老關城

卽神護關故址

而西羣山之間得一曠野俗

呼爲大地方有古城遺址又西卽列牟亦一曠野在

羣山之間者皆可耕可屯之地也山間道路四通外

至江濱有數道內達騰越亦有數道洵爲西北隅要

地騰越志云考吳宗堯之論宜歸州轄爲屏蔽則古

今人所見畧相同也予議分界時自老蠻寨以北畫

大金沙江爲界里麻在江內山間距騰越尤近已屬

內地本可不論因滇中官吏知者甚尠故揭出之

樹漿廠考

今俗所謂樹漿廠者在西藏之南雲南之北四川之西跨大金沙江龍川江潞江直至瀾滄江凡諸江上流皆是也其在大金沙江上流者卽昔人所稱孟養陸阻地江以西之門戶曰戶工孫士毅緬紀事嘗載之與孟拱舊土司相接蓋前明孟拱屬於孟養至本朝乾隆時則孟養又爲孟拱所屬矣江以東之門戶曰允帽與里麻舊土司相接經畧傅恒征緬時於此濟師者也其在潞江龍川江上流者爲茶山舊土

司地今所爲怒夷者也東接維西中甸直通麗江永
北其南由上江十五喧至永昌由馬面關滇灘關大
塘隘皆至騰越西北通西藏東北與巴塘裏塘諸土
司相接出四川之道也雲南通志云怒夷界最廣信
矣案

皇朝職貢圖及余慶遠維西聞見錄諸書或稱怒人
或稱怒子皆云於雍正八年歸附以虎皮麻布黃蠟
等物充貢永以爲例蓋皆內屬之地也其間金礦之
富樹漿之饒邊內外民皆豔稱之號爲陸海以地勢

而論當滇蜀藏三省之凹其三面皆與諸邊毗連爲藩籬鎖鑰之要地豈可委之於外人乎此地與緬境相去約二千餘里中隔孟拱孟養兩土司自古以來未嘗屬於緬也

論木邦孟密

騰越志云自七土司外逼近騰越者惟孟養蠻幕孟密木邦孟養蠻幕前已論之孟密介乎大金沙江龍川江之間木邦介乎龍川江潞江之間亦邊地之保障也由騰越言之隴川孟卯兩土司其西南皆可至孟密其東南皆可至木邦孟密原木邦所分故當時有大象孕小象之喻其地有寶井數處產紅寶石及碧霞玳之屬明時遣內監掌之楊慎張含皆有寶井謠卽其事也木邦在邊地處處通連自隴川孟卯以

東如遮放芒市鎮康孟定耿馬孟連等土司皆與之
相接總督伯齡進種人圖說云順甯外接木邦隔以
猓黑永昌外接木邦蠻暮隔以野人蓋順甯永昌兩
府所屬皆毗連木邦其間亦有不隔猓黑與野人者
往時緬人入寇姚關又侵擾九龍江之車里諸猛大
抵假途於木邦其爲邊庭門戶所繫可以見矣

本朝乾隆三十一年木邦舉眾內附載於會典則例
五十八年木邦與蠻暮大山孟育等土司同時更易
印信至今猶遵守勿替焉夫明時三宣分地南甸最

廣六慰分地木邦最廣當孟密未分時其地西踰龍川東踰潞其南境有大江由潞通入金沙是爲中緬舊界木邦之地至此而始盡也今其北境瀕龍川江者曰南坎與吾孟卯隔江相聯同一壩子夷人稱山間平地曰壩子不得則孟卯難守隴川亦危其西境跨潞江者曰麻栗壩牙錯於孟定鎮康耿馬之間爲姚關外蔽順甯永昌兩府視此以爲安危要皆中國必爭之地也

潞江通舟說

潞江上流在滇境下流棄之境外蒙竊惑焉蓋南中之水三江爲大若瀾滄若潞若大金沙皆可舟可航者也昔人嘗論及之以爲夷人欲據險隱塞不使通行滇人習焉遂不察耳按志稱大金沙江自蠻暮以上山聳水陡至蠻暮以下地勢平行濶可十五里若以爲通舟之路至蠻暮而止者而不知今日英國小火輪船直至允冒矣且由支江出孟拱矣皆在蠻暮上流數百里間往來常通也又志稱瀾滄江受西洱

河勝備河至順順蒙蒙化蒙交界處土人謂之羅擦聚不

二十餘日至錦龍江

龍江一名九龍

卽水下流海客船多會

易於此夫既有海客船來會易則內地民船往與之
會可知也此江入海之口已爲法國所據猶幸法人
未涉吾界故無小火輪舟上駛耳若潞江形勢則視
瀾滄金沙尤要矣以其爲滇西喉吭之地也按志稱
潞江一名怒江自芒市南流出至木邦名喳哩江又
南流八百里至擺古東入南海自木邦以下可通舟
楫明張機云昔年隴川多本甯潛往擺古見莽瑞體

由此江順流而下然則潞江之形勢於此可見矣
國初闕頑兆作黑水考以爲天地設此三江正爲朝
廷制馭西南諸夷設異日問交緬不貢之罪則此三
江者固漢家樓船下番禺出奇制粵之牂牁江也其
說蓋本於張機其後齊召南作水道提綱阮元修雲
南通志皆採引之至今日而時勢又一變矣潞江入
海之口爲英國所據謂之摸兒緬爲南海通商大埠
小火輪舟由此入江與瀕江諸地相貿易此時雖未
敢入滇境而滇中烏可不知之也倘使有釁小火輪

舟載兵而上倉卒無備騰越與永昌聲息不相聞矣夫潞江下流之東皆中國舊土司至今猶守

本朝印信英法兩國覬覦不敢取而滇中視若化外已久此深可惜也

潞江下游以東皆中國屬地考

潞江下游以東英所稱爲擇人者皆中國地也其一
曰孟艮土指揮使案

大清會典事例云乾隆三十一年設雲南孟艮土指
揮使一人又

皇朝通典云雲南指揮使二人曰孟艮又

皇朝文獻通考云孟艮土司在車里宣慰司之外處
九龍江之西古蠻地名曰孟措明永樂四年內附置
孟艮羈縻土府其後爲木邦所併嘉靖間附於緬不

通中國

本朝乾隆三十年其地爲莽匪所侵據三十一年討平之地皆內屬以其頭目召丙受土指揮使隸普洱府及普洱鎮管轄此潞江下游以東之地一也其二曰整欠土指揮使案

大清會典事例云乾隆三十一年設雲南整欠土指揮使一人又

皇朝通典云雲南指揮使二人曰整欠又

皇朝文獻通考云整欠土司在車里宜慰司之外處

九龍江之南

本朝乾隆三十一年其地爲莽匪所侵據於三十一年討平之地亦內屬以其頭目以先捧授土指揮使隸普洱府及普洱鎮管轄此潞江下游以東之地二也其三曰猛勇士千總案

大清會典事例云乾隆三十一年設雲南猛勇士千總一人又

皇朝文獻通考云猛勇士司在普洱府西境外處孟艮土司及整欠土司之中

本朝乾隆三十一年以平定莽匪其頭目召齋等舉
眾內附授土千總職隸普洱府及普洱鎮管轄此潞
江下游以東之地三也其四曰整賣宣撫司案

大清會典事例云乾隆三十一年設雲南整賣宣撫
使司宣撫使一人又

皇朝文獻通考云在孟艮土司西南境外舊名景邁
卽八百媳婦國相傳其酋長有婦八百各領一寨因
以名部元初屢用兵征之以道路不通而還後遣使
招附置八百等宣慰司明洪武二十四年置八百者

乃宣慰司及八百大甸宣慰司永樂五年遣使至其境卻拒不納曾以兵討之後遣使入貢嘉靖間附於緬自是朝貢不至其所屬有十八大猛十八小猛地周三千餘里

本朝乾隆三十一年其頭目召齋納提舉眾內附授宣撫司職北潞江下游以東之地四也其五曰景線宣撫司案

大清會典事例云乾隆三十一年設雲南景線宣撫使司宣撫使一人又

皇朝文獻通考云亦古八百媳婦地明嘉靖間八百國爲緬所侵其酋避居景線名小八百向不通中國其所屬有十猛地周一千八百餘里

本朝乾隆三十一年其頭目喇賽舉眾內附授宣慰司職此潞江下游以東之地五也其六曰六本土守備案

大清會典事例云乾隆三十一年設雲南六本土守備一人又

皇朝文獻通考云六本土司本整賣之地以地方遼

閣自分爲一部

本朝乾隆三十一年其頭目召猛齋舉眾內附投土
守備職此潞江下游以東之地六也其七曰景海土
守備案

大清會典事例云乾隆三十一年設雲南景海土守
備一人又

皇朝文獻通考云景海土司亦在孟艮土司西南境
外向不通中國

本朝乾隆三十一年其頭目召猛彪舉眾內附投土

雲南勅界壽曼已

卷上

三

守備職此潞江下游以東之地七也其八曰猛撒土
千總案

大清會典事例云乾隆三十一年設雲南猛撒土千
總一人又

皇朝文獻通考云猛撒土司在順甯府南境外明時
猛撒與猛緬猛稱爲三猛萬厯間曾置猛撒土巡
司尋入於耿馬其後不通中國

本朝乾隆三十一年其頭目刺鮮細利舉眾內附授
土千總職此潞江下游以東之地八也其九曰猛龍

土指揮同知案

大清會典事例云乾隆三十一年設雲南猛龍土指揮同知一人又

皇朝文獻通考云猛龍土司在整欠土司屬地之外謂之沙人向不通中國其屬有七十餘寨地周二千餘里乾隆三十一年以平定莽匪其頭目叭護猛舉眾內附授土指揮同知職此潞江下游以東之地九也其十日補哈土千總案

大清會典事例云乾隆三十一年設雲南補哈土千

總一人又

皇朝文獻通考云補哈土司在猛龍土司之西亦接
整欠土司界向不通中國乾隆三十一年以平定莽
匪其頭目噶第牙翁舉眾內附授土千總職此潞江
下游以東之地十也故曰皆中國地也且潞江下游
以西之地亦有屬中國者一曰木邦土司

皇朝文獻通考云在順甯永昌二府西南境處耿馬
孟定等土司之外爲緬甸東路之門戶古蠻地名曰
孟都亦名孟邦元至元時置木邦路軍民總管府領

三甸明洪武十五年改爲木邦羈縻土府永樂初改置宣慰司於六宣慰中分地最廣其後數以從征功益地隆慶以後附於緬萬厯中復內屬尋仍入於緬不通中國

本朝乾隆三十一年其頭目罕宋法等舉眾內附此其一也二曰蠻暮土司

皇朝文獻通考云在永昌府西南境外爲入緬扼要之路古蠻地明初屬於木邦成化時爲孟密所有宏治時復爲孟養所有萬厯間曾置蠻莫安撫司其後

附於緬不通中國

本朝乾隆三十一年其頭目瑞團舉眾內附此其二也三曰大山土司

皇朝文獻通考云亦名波籠在永昌府騰越州南境外處龍川江之南

本朝乾隆三十一年其頭目壘管舉眾內附此其三也四曰猛育土司

皇朝文獻通考云在永昌府南境外處潞江之西附近木邦地方

本朝乾隆三十一年其頭目衍界舉眾內附此其四也是亦中國地也恭考乾隆三十一年

高宗純皇帝上諭云楊應琚奏新定整欠孟良地方請仿照普洱邊外十三土司之例酌中定賦於丁亥年入額徵收等語整欠孟良業經附入版圖願輸糧賦其酌定徵額之處俱著照所請辦理但念該處地方連年經莽匪擾害今雖得安耕作而元氣尙難驟復若遽於丁亥年責令輸將恐夷民生計未免拮据所有應徵錢糧著加恩緩至戊子年入額徵收以示

優恤邊黎至意欽此

聖訓煌煌昭示千古凡在臣民益當數典而憬然矣

潞江以東土司論

或問潞江以東土司何時背中國而入於緬則告之曰至今諸土司猶守

本朝印信未嘗背中國也特中國以其遠而疏之漸久而漸忘焉耳然則忘之於何時曰

本朝會典自康熙以後凡三修至嘉慶而大備始增則例圖說今諸土司載於會典則例則嘉慶時猶在可知也道光十五年雲南修通志始分其目曰邊外土司由此在將疑將信之間若有若無之數矣此當

日滇中官吏不考之過也昔人有云流官憚瘴久而
不履其地諸酋不襲而自冠信有然矣又通志輿圖
篇云雲南西南界緬甸南界阿瓦南掌越南其圖中
於龍川江下流之西書曰緬甸界自龍川江下流以
東踰潞江直至九龍江之南概書之曰阿瓦界尤足
令閱者發噤夫阿瓦卽緬甸之都城也豈別爲一國
哉且區區緬甸一都城豈能跨越三江有此數千里
外之界哉蓋其所云阿瓦界者卽乾隆三十一年內
附授職之諸土司也龍川江以東爲木邦大山等四

土司九龍江以南則孟良整欠等十餘土司也是皆
夷潞江左右以爲滇之藩籬者也通志不能詳其地
之所在宜乎僅存其目而疏而遠之曰邊外土司其
懵於邊事甚矣哉夫自乾隆三十一年平莽匪之後
緬未嘗越潞江東以爲境也予於邊外考緬史而知
之終緬之亡潞東諸土司固嘗與緬戰爭矣未有入
於緬者也是以英國外外部嘗告我

欽差大臣曾紀澤曰中國於此地權力甚大而緬無
權力其言至今猶存案牘可以爲証也問者曰爲今

之計將復吾故土乎抑將終棄之乎應之曰此亦形
勝必爭之地也烏得棄之今滇之西一面受敵矣彼
能渡大金沙江而來我亦能渡潞江而往猶可以相
劫制也奈何更棄其南使之兩面交逼耶且滇恃三
江以爲險者也孟艮等土司介乎潞江澗滄江之間
若盡棄之是無三江之險也滇其可保乎果若是旣
復之後將何以處之曰是惟有流土相間之一法蓋
滇民之耕種於其地貿易於其地者數以萬計設流
官以治之與土司相錯處而疆域定矣文教日興則

異俗自化不難漸底於大同此亦倪蛻所云經常簡
易之宏謨也夫今日之時勢豈復昔比哉以瓜分豆
散之部落其不足恃爲屏藩也明甚徒以供強鄰之
蠶食耳流官一設則名正言順可以杜絕其覬覦也
且諸土司庇我宇下亦有辭可執以謝之矣近年新
疆臺灣皆改建行省而後外人不致以兵再涉其地
其亦深得因時制宜之意者歟

Handwritten text, possibly bleed-through from the reverse side of the page. The text is oriented vertically and is mostly illegible due to the high contrast and scan quality. Some characters are difficult to discern but appear to be a mix of letters and numbers.

自跋

文棟捧檄

界務者豈

中國分十

又有兩國

還大金沙

下流以爲

慮我欲索

初念則然

雲南劫良

地學之蒙昧矣方英兵之入緬也告我曾大臣曰緬王無禮於英故廢其王及其據緬以爲己有也又告曾大臣曰緬與法立約有害於英公法國存則約存故廢其國果爾則盡緬之境而已何與他土司哉此當執詞以責之者也英初得緬猶自知理曲故有立教王依舊納貢之說又曰見中國兵所在卽視爲中國地不再入於是自阿瓦探新街無中國兵而後入自新街探孟拱亦如之彼自以爲盜亦有道也惜乎滇中當時無人能折其機牙也夫馬武相一回民耳

聚十數少年扼老八募以保商路英人見之不敢過
問也黃正林張天明兩千總耳以土勇二百人保商
路出入野山直至老八募而止英人聞其來且相引
避也邊內邊外夫人而知之者也古人不云乎物必
自腐也而後蟲主之苟非自相摧殘焉能奪我沿邊
險要數千里之野山若斯之易哉且夫邊地之要亦
在乎三強耳兵力強一也民氣強二也人才強三也
新疆肅清之後俄人拱手而還伊犁畏兵力之強也
安南之役法人擾閩而不敢擾粵畏民氣之強也至

於人才之強不必遠徵也觀於黃正林張天明而可知矣假令邊地當時司閩者亦能如是也守郡者亦能如是也彼烏敢輕我邊內無人而唯其所欲爲哉然則地利人和交相爲資蓋不可闕一者矣文棟此編專言地利未及人和故撮其大旨補之於此壬辰九月上海姚文棟識

雲南勘界籌邊記下卷目錄

電稟王制軍三件

電稟譚中丞

上王制軍說帖一

上王制軍說帖二

上王制軍說帖三

上王制軍說帖四

上王制軍說帖五

寄薛星使節略

皇朝通志卷之九十四

上王制軍說帖二件

上王制軍說帖

上王制軍說帖

上王制軍說帖三件

稟總署堂憲


復薛星使書

再復薛星使書

寄薛星使書

此卷係初到滇時所上方略爲多猶在張黃兩

千總未撤之先野人山以外大金沙江以內皆
兩千總孤軍駐守之地也綢繆牖戶事非甚難
制軍原深以爲然第欲商之中丞不居獨斷之
名迺善後局司道史湯兩君別有成見盡力阻
撓直俟至張鎮鄒守招引外人過江入山而後
上臺亦無從措手矣可慨也夫文棟又識



電稟王制軍三件

督憲鈞鑒野人山保商勇丁請電飭張鎮緩撤容面

稟洋情文棟馳稟

四月初六日蠻隴發

督憲鈞鑒野人山爲滇西門戶地險難攻先據者勝

張黃兩干總委辦保商已通至老蠻暮江口請勿中

輟大局萬幸文棟叩稟

初十日蠻允發以上兩電爲電局委員王福訓壓擱未達

督憲鈞鑒野人山撤兵便於洋人不便於

國便於野匪不便於商已告張鎮黃丞矣干總張天

明黃正林保商著有成效邊外望如長城奈官小遭


讒自保不暇邊內外商民咸爲扼腕職等聽睹眞確
若不早上聞恐一經易人卽隳前功而損大局因騰
越有壓電情弊故至大理補稟文棟致堯同叩

日大
理發

五月
十一

電稟譚中丞

撫憲崇鑒野人山爲滇西藩屏向屬中國若我兵朝
撤則外兵夕入我棄彼取必爲邊害張黃兩千總保
商一軍已度山外邊地倚之如長城足杜外人窺伺
請勿中輟大局萬幸文棟叩稟



上王制軍說帖一

野人山屬
中國說

謹案野人山本係中國土司所分轄如隴川孟卯土

司之地以野人山外之洗帕河爲界

載於舊卷麻湯麻湯野官

卽鐵壁關撫夷漢董兩隘尙在其內此邊民所共知者也噴

干崩亦作岡一隘亦爲隴川孟卯兩土司之屬地其外山

麓有野人墓碑上書

皇清待贈淑德陽盤同老太君之佳城爲地屬中國

之明證此亦邊民所共知者也允帽一地握古永昔

董兩隘之口在野人山外爲蓋達土司之屬地

載於舊卷

此亦邊民所共知者也不惟邊民知之英人之居於緬甸者亦無不知之是以英政府曾有以老入募歸我中國之說又許中國共享大金沙江之利蓋中國土司屬地本跨有野人山以外直瀕大金沙江者也乾隆時大金沙江外尚有內屬之孟砮孟養兩土司今且不論惟南甸土司與舊時蠻暮土司以野人山中間之洪蚌河分界然蠻暮土司本係內屬乾隆五十八年八月曾換給印信乾字六千四百七號文曰蠻暮宣撫司印禮部造今印存騰越廳署不知何年爲緬甸竊去中國漠然不問相承至今故蠻隴蠻馬打羅夏鳩

一帶地方凡在野人山以外大金沙江以內者實皆中國舊地英所稱老八募者亦卽此處自乾隆以後緬甸與中國多有未經清晰之界此類是也聞近有人疑及野人山非中國屬地此言實誤不可以不辨夫英人得隴望蜀正利在界址未定可以展拓而前然使門戶之間險隘之口先有防兵扼守使彼無由闌入則界雖不定而已定此則疆吏之功無俟使臣與彼辯論者矣

上王制軍說帖二

野人山保商
營應籌事宜

一山中地方遼闊兵數太少雖能制服野寨未足抵禦強鄰宜酌量再增兵額

一自蠻允至蠻隴有上中下三路從前僅爲保商專以中路爲重此時似須兼顧三路庶邊防益形完密

一從前紮營惟在洪蚌河以東其洪蚌河以西並未紮營形勢尙未鞏固此時似應一律添紮

一保路兵勇迎送商駝疲於奔命全無整暇氣象俟添足兵額之後分路紮營則兵與將皆當節奔走之

勞以時操演庶期練成勁旅

一山中土性肥沃可開利源野人游手者多似可導令種植卽兵丁操防餘暇亦可兼辦屯墾此古人實塞下之要略也

一野夷精壯者宜籍之爲團令隨官兵操演行之日久卽邊地暗增數萬勁兵矣

一保路各營全無軍器火礮一遇有事卽形束手似須核定需用之數由省給發庶可備豫不虞

一蠻隴在野人山西麓從前馬武相帶練數十人駐

紮其地洋人不敢過問近年雖無營兵駐紮而張天明部下之勇丁時時護送商駝至此洋員收地稅者見兵退則來見兵至則去其情恇怯可見查該地爲野人山門戶卽老八募之屬地英政府早有默許與我之意今若先占其地於山防最有裨益似須密飭保商營員規度辦理 本年過緬甸時有人上條議請於打哩壩一帶分紮數營以握沿邊形勢查打哩壩卽蠻隴以北沿江一帶昔所稱爲野牛壩者也地勢極寬大可屯田實邊地之鎖鑰云

上王制軍說帖三

論騰越西路野人山緊要門戶

謹案明臣李本固疏云夫滇南大勢譬之一家蒼洱以東則爲堂奧騰永則爲門戶三宣蠻暮則爲藩籬也又陳用賓疏云夫蠻莫何地也三宣之藩籬也三宣騰永之垣墉騰永全滇之門戶也蠻莫失必無三宣三宣失必無騰永明人之論如此案蠻暮土司所駐之地卽今新街新街早爲英人所占藩籬已撤門戶寒矣今所恃者惟野人山耳嘗聞西報論野人山云此山如在華界則英兵雖滿萬不能敵華兵之百

也苟使英得此山則百英兵亦可勝萬華兵矣其形勢緊要於此可見查野人山自南至北形要險隘之所在不過十數處以守在山外爲上策倘有一處疏失則敵可蹈瑕抵隙而入騰永以西更無可扼之險豈非全滇之隱患哉

一蠻隴在野山之西麓有上中下三路內通蠻允上路度野山二百零五里中路一百六十五里下路一百八十里現爲商人往來滇緬之通衢本年營員張天明黃正林兩人奉委招募練勇在山中迎送商駝

名曰保商實卽防山洵是勝著然有未盡善者假令洋人紮營蠻隴塞斷山路之口則山防驟形喫重且貨駝出入不便捐數驟落則張黃所帶各營費無所出當此之時防軍勢不可撤而商捐無著不得不費國帑以養之非策之善者也及今而豫爲之計惟有爭先下著駐重兵於蠻隴以逸待勞洋兵復來必知難而退矣

似當卽令保商營員籌辦須山中有兵五百山外有兵五百方爲萬全

蠻

隴左近一帶地方俗稱打哩壩地皆膏腴可以屯聚如使蠻隴有重兵駐紮則打哩壩一帶自在掌握中

不但可爲上中下三路之藩籬兼可扼昔馬蓋西古永各路之總門戶矣兵既有田可種則一二年後屯政有成即可不再費餉也

一允帽亦在野山之西其地極關緊要有兩路內通騰越其一古勇路其一昔董路也中度野山各二百里許古勇與昔董之間有膏腴之地數百里俗呼爲大地方與蓋西相連屬允帽與昔董之間亦有膏腴之地俗稱列牟疑卽里麻舊土司地也此兩處煙戶甚稀地亦荒蕪不治若招徠客民游勇在此開墾兼

辦團練寓兵於農相爲表裏足壯邊庭形勢允帽鈴束其外爲門戶重地無論荒地已開與否總須有重兵駐紮以握古勇昔董兩路之口查允帽係中國地其北有一路可通樹漿廠商人之業樹漿者多聚於此近年洋人屢次踏看欲竊取其地在彼以爲得此地後既有捷徑可通樹漿廠又可撤我蓋西古勇之藩籬不可不防之於豫也

一打羅亦在野山之西爲昔馬路之門戶內通蓋達干崖其地瀕江湖流而上八日至猛拱順流而下五

日至新街最爲衝要之地沿江陸路北通允帽南達
蠻隴亦爲中權扼要之地此處應有重兵駐紮以扼
四達之衝與允帽蠻隴各營首尾相應且可固蓋達
之門戶一舉而三善備焉矣以上三處實爲野山西
面三大重鎮倘失此不守縱敵入險則沿邊數千里
防不勝防後來邊事必更形棘手矣

上王制軍說帖四

論騰越南路野人山緊要門戶

一崩岡寨在野山之腰西距八暮

街即新

約八十餘里

一天可到最為衝要之地此處應駐防營以扼猛卯隴川

芒市遮放各土司之門戶

自緬甸之新街俱洞兩路入滇皆必經此險

其

外山麓有漫睢寨距崩岡約十五里又為崩岡寨之

門戶應分立一子營為崩岡大營之外護

案崩岡寨野夷頭目

曾受中國頂戴其心堅向中國英人呼之不至故憾之甚深曾用兵三年攻破之僅肆擄掠而去不敢駐兵其地

一麻湯寨即鐵壁關之口亦在山腰西南距八暮約

九十餘里

亦一天可到

此處應駐防營以扼干崖隴川戶

撒腊撒各土司之門戶惟麻湯左近另有一要害可

通出入者曰漢董寨

近日探報稱爲狼東

亦在山腰原中國地

本年四月間英忽越界駐兵於此

僅四五十人

此寨分兩

路一通隴川戶腊撒等處一通猛卯遮放芒市等處

實爲門戶要地臥榻之側有人鼾睡寇已深矣患在

肘腋查中緬交界係在麻湯漢董兩路之外野山之

西麓所謂洗帕河者也騰越同知黃炳堃嘗立界碑

於此

聞碑已爲英人轟裂

今當就其地建一大營以總扼麻湯

漢董兩路之門戶與崩岡大營同爲重鎮則騰越南
路邊防始爲完密以上各險要共四處如有一處未經
設防則別處所設者仍屬無益也案麻湯卽麻塘一
目卽鐵壁關撫
夷排天貴也

此專就南路言之因其去新街尤近故先爲籌及以
備採擇從前岑制軍任內辦理隴川干崖等處邊防
以杉木籠及虎踞山兩地爲重鎮乃是內險非沿邊
門戶要害也苟使頓兵於此以爲野山駐防各營之
援應斯乃得之如欲於此抵禦強鄰則外險先失終

亦難守卽以西路言之如蠻允一路不守山外之蠻
隴而僅守山內之蠻允昔馬一路不守山外之蠻抹
打羅而僅守山內之昔馬蓋西一路不守山外之夏
鳩允冒而僅守山內之蓋西亦必無益內險與外險
之別耳夫雲南爲川陝兩湖之屏蔽野人山又爲雲
南之屏蔽必野人山無恙而後雲南安必雲南無恙
而後川陝兩湖皆安一山之所係非淺尠也華洋消
長之機西南半壁所倚胥在乎此一爭地勢不使人
扼我吭二爭天時不使人占我先野人山雖南北綿

巨極形遼闊而西南兩路扼要之地不過數處措置
似尙易易至西北路山中俗稱爲樹漿廠延袤至千
八百餘里物產極饒號爲陸海固不可棄以資敵尤
須剏立大營以爲極邊之重鎮容再詳籌候奪

制軍批答云尊議一并暫留明日當商之序帥迅即照辦也

上王制軍說帖五

永昌順甯邊外麻栗壩班弄兩地節略

一麻栗壩在潞江之東扼江爲險與鎮康耿馬兩土司接界堪爲兩土司之藩籬其地舊屬木邦乾隆以前本中國屬地後淪於緬今有土目楊國正者係中國人占据其地經緬王允其世襲緬亡後曾遣人至永昌投誠前晤永昌官吏多述及之按由永昌出姚關走鎮康孟定山順甯走耿馬皆至麻栗壩實爲通緬大道與木邦隔一潞江有險可守不但爲鎮康耿馬各土司之藩籬實亦永昌順甯兩府之總門戶也


永昌至麻栗壩
凡八日程云

案制軍見此說帖卽令雲南知府陳燦函告永昌知府鄒馨蘭相機辦理迨鄒陳會商稟復則以地屬木邦不便越境爲詞後據永昌土人聲稱麻栗壩係孟定地非木邦地其云木邦者舊係鄒守假設之詞當初不知故說帖中亦沿其詭

一斑弄在麻栗壩之北與孟定土司接界其地勢極爲險要當潞江及兩支江交叉之處又當兩山之坳本葫蘆野王地迤西回匪逃聚於此貿易營生尙稱安分聞其初次逃出時係馬二爲頭目前年有頭目安姓者曾遣人至永昌協處投誠自願永駐班弄爲

中國保守藩籬不願調至別處等語其信係投交邊地汎官轉遞來使亦不敢親至永昌按孟定至班弄二站鎮康至孟定三站亦爲永昌順甯通緬之要道近日據探報云現在頭目名丁金猛有兵二千餘名居民八千餘戶皆是回子春間洋員勘界到此有互相煽誘之意若不早爲招徠恐爲洋人所用此滇省肘腋之患也

有商人云班弄有中國城一座凡十二門係乾隆時糧台所在



12

寄薛星使節略

光緒十二年三月新街英官顧某帶兵數百名攻益干野寨不克而還至十五年三月新街英官夏某購得鄉導帶兵潛由小徑突攻益干竟破其寨按益干爲中國猛卯土司所屬邊界

光緒十六年正月二十一日英副使貝得祿偕巡道提鎮等帶兵四百名上麻湯野山並漢董一帶探視地形二月十二日回新街按麻湯卽隴川土司所屬之鐵壁關也漢董亦隴川屬地

光緒十六年三月英員由新街發兵二百五十名攻后崩野寨至四月攻破按后崩係猛卯土司邊界

光緒十七年正月英員帶兵至漢董踏看營地三月

閒又帶兵覆看路徑至四月初七日發兵四百餘名

由新街到漢董

十一日到

出其不意將該處野寨燒燬卽

蓋起兵房數閒戍兵四百名據探報人云其駐兵處離猛卯隴川兩土司各三十里許在山上可俯視兩土司城內民房一切

按以上各條係英兵越界入犯土司屬地因其兵來

仍退並未久留滇邊將吏顧全邦交置不與較本年
英兵入駐漢董已將半年未見退出似須告明外部
在先倘日後釀成釁端其曲本在彼也至邊內地
名英人亦用緬文及獮夷文並無英文可查合并聲
明

皇朝通志卷之八十一

八十一

上王制軍說帖兩件

鐵壁關撫夷排天貴初聞其有不受洋人三萬元之說係邊內有人稱道其事據某某等在緬甸曾見排天貴與洋員通信大有兩邊討好之意其人未必可靠三萬元之說或其託詞誑漢亦未可知以文棟愚見言之麻湯漢董崩干一帶野山爲目今中外界限所係洋人屢次深入其意原欲撤我藩籬總當早設防營以爲固圉之計無論野官等可靠與否但使防營既設効忠者得以庇護而懷二心者亦正可鈴束

矣且此處野山向爲孟卯隴川兩土司屬地素隸版圖與蠻隴附近之野山未定主屬者尤有區別駐營設防之舉似屬名正言順在洋人亦不能藉口啟釁也

案黎丞稟內南布地方係麻湯內一重門戶聊足照

顧麻湯布置原亦無悖惟其鄰近一帶另有漢董即恨

東及盆干即崩岡兩路亦爲出入要道非南布一軍所

能兼控未經籌及是爲疏耳聞張舉人成濂現與永

昌在籍都司杜秉陽商擬在盆干路分走貨駝使華

人出入此路者多亦聊爲固圉之一助蓋益于路本
係從前緬甸貢象之大路乾隆時征緬有老官屯一
路亦卽此路也近因商駝全趨蠻允故此路漸成冷
落耳杜秉陽早經棄官爲商蓄駝最多故張成濂欲
令其分幫走此路也

--	--	--	--	--

上王制軍說帖

竊職道前籌允帽一路爲騰越西北路最緊要之地
 惟念離騰太遠孤軍出駐深以後無援應爲慮正切
 躊躇今聞正泰聯絡羣夷既至雷座地方則已與允
 帽聲氣通接孤軍出駐可無後顧之憂矣日前憲諭
 謂聞正泰來歸正大有用處至今日而已驗雷座野
 日支單都力卻洋人自稱須奉

聖旨方敢遵從等語蓋中國屬地本至允帽而始盡

自夏鳩以下屬蠻蕃土司雖

是中國舊地目前尙未分明雷座野日當大路之旁

雲南功界籌邊記

卷下

七

非他夷僻陋可比故猶能自知爲中國地也查各野
目所屬戶口壯丁寥寥無幾各分畛域散而不聯洋
兵到時勢力不敵仍恐其折入於外洋若聽其自爲
則雖一時招徠仍屬無益今仍當駐兵允帽不但禦
洋人之侵界又可護內屬之諸夷以一軍而得兩用
策之善者也蠻允現成腹地駐防之兵不過專爲緝
私之用似當移緩就急令其出駐邊界查洋鹽入境
必過野山山外各路防營仍可帶辦緝私不致偏廢
也

上王制軍說帖

頃接緬甸來信述知英人三路駐兵已有明文雖以緝私爲名實有扼吭之勢其所謂三路者卽職道前次說帖內所開之五路也麻湯卽鐵壁關本中國地其外山麓有洗帕河爲近年中緬分界處礮洞路由奔岡一名益干入口奔岡亦中國地山下墓碑彰明可證洋人亦旣知之此兩路相近故合爲第一路也蠻弄係蠻暮舊司屬地此乃中緬未經清晰之界卽今保路各營之外口此其第二路也其第三路所謂江干路者卽職道

前開之允帽打羅兩處也相傳打羅亦蠻暮舊司地

此亦中緬未經清晰之界允帽則屬於蓋達本中國現屬之地載

在舊卷此地亦甚緊要英人嘗密議欲由孟拱築鐵

路通至允帽而後繞過野山出蓋達經河邊路

一名下路

爲蠻允三路之一以通新街此次駐兵卽其嚆矢矣似應電

知騰越廳鎮先令守住邊界勿任闖入致貽後悔彼

以緝私爲名吾以保商爲名兩無可開之隙騰越現

有防軍數營何妨移緩就急以遏一時之鋒彼旣聞

吾有備或當知難而退也九月十五日

上王制軍說帖三件

竊以蓋西閩氏屬地直至江干自明至今未嘗改動蓋因偏北地僻故緬人從未侵入明史及

本朝記載雲南志乘厯厯載明較之麻湯噴干僅據邊民口碑者證據更爲確鑿視洪蚌河一路界址含糊未清者情節亦殊文棟實已考之甚詳非敢妄逞臆說昨見張鎮電稟欲俟洋人至神護關而後以界址善言告之無故棄此橫縱數百里之地皆係險要所在實屬萬萬不可務祈大人於電復時斟酌出之

此節於邊務界務極有關係文棟所不敢明知故默者也張鎮在騰久爲邊民唾笑實因見地過於庸闕不知國計輕重之故貽誤大局已非一端似須廣加諮詢別籌區處之方卽勝策在此矣

謹案明人築關未嘗以關爲界蓋邊地險要皆在關外故耳神護關外之地從來未嘗屬緬試詢之兩國邊民口碑具在也大抵滇緬間界址無定乃以土司之去留向背爲轉移而土司所有之分地則皆隨之未改據志乘所載南甸屬地直至江干至今南甸未

亾何以竟指其屬地爲棄地乎夫區區關外數百里之地去之亦何損於中國之大而文棟必數數瀆陳者實以險要所在棄險卽無異棄騰棄騰卽無異棄瀆故耳近日如麻湯洪蚌河各路皆已經憲台蓋籌布置可無深患而西北一路猶未及運籌恐致如蟻穴之潰全堤不可不慎且文棟愚見亦非欲用兵以與洋人爭此土也但以爲當據舊志電告出使大臣詰問其政府則一言之下亦可以折其機牙其次令騰越廳致函新街告以界址所在則彼或自知斂戢

矣蓋以兵守界貴在事先而片語折衝亦未必無補於事後耳夫邊將以偷安爲便有卸責之心故以守關爲請善後局司道不加考察隨聲而附和之當此羣言厯雜之時雖大舜之聰猶或有所蔽文棟心知其故苟身留滇中而不言實無以對諸邊是以不避屢瀆之嫌再陳邊將之不可輕信關外屬地之不可輕棄務請大人三思行之

再英人越界強占一節如電請總署詰問則公私皆占先著以公言之可申明界址之所在日後免致喫

虧以私言之亦辦事者預占地步之法不致後來應付爲難蓋當初以早駐兵爲先著此時以早致詞爲先著也一面仍須電知出使大臣告其政府此乃釜底抽薪之法最關緊要蓋邊地一二洋員規利圖功事權得專故銳於進取往往俟事成而後上告故議院無不允從若於此時逕達其政府則必數十百人集議允者半不允者亦半而事多牽掣矣邊吏輕量華人故跳梁喜事議院重開邦隙故必以無事爲福其用意迥殊近數年英兵迭次越華界焚掠必其政

府所未聞正當告之使知則後來自當斂戢矣又英人無理逞強固緣華官隱忍無言早示之弱亦以地當偏僻他國不能聞知故縱恣無忌至此若能將此中情節布之各國新聞則清議公論必有羣起而斥其非者是亦不戰屈人之一術也十二月初三日

制軍批答云尊議英人越界必須電知 總署及令騰廳致函新街兩節自是題中應有之義亦必應如此刻已飭局速電黎丞再將此次越界詳細情形及地名道里即日電覆俟覆到即當照辦

稟總署堂憲

敬稟者去年正月職道在外洋交卸俄德等國差使
後奉辭星使劄委查看印緬商務及滇緬界務於正
月二十八日由法國馬賽搭趁公司船啟程二月十
七日抵錫蘭換船北行入孟加拉海二十日抵本第
舍黎二十一日抵馬達拉斯二十五日抵加爾各搭
皆印度商埠三十日換船東行三月初三日抵漾貢
又換船北行入伊勒瓦諦江十五日抵阿瓦又換船
二十二日抵新街皆緬甸商埠印緬兩地近赤道之

下春時酷熱較之內地暑月尤盛入境後肌膚發赤
每日須以涼水澆洗謂之衝涼日當午時頭目眩暈
幾若昏迷蓋古所謂身熱頭痛之國卽其地也四月
初五日由新街換小船入大盈河初六日抵蠻隴是
爲野人山之西麓初七日登山山中皆赤髮野人所
居地形極險爲中外之界限謝清高所云峭壁不可
梯繩弱水不任舟筏陳天祥所云上如登高下如入
井者也初十日抵蠻允是爲野人山之東麓過此則
一望平夷無險可扼矣十三日抵蓋達十四日抵干

崖十五日抵南甸皆土司屬於雲南者也十六日抵騰越始爲雲南邊境渡龍江潞江瀾滄江皆極邊瘴瘴之地至五月二十七日始抵雲南省城是役也在歐洲陸行四千餘里海程入亞洲共行三萬八千餘里行大江中三千二百六十餘里山程二千餘里歷時四月有奇漢諸葛表云五月渡瀘深入不毛唐人詩云五月雲南萬里行皆極言其地形之險天時之惡而職道以勘界至此備嘗艱險幸不爲瘴癘所侵非上賴

國家威福何以至是職道竊查雲南西南兩路邊防以永昌順甯普洱三府及騰越龍陵緬甯威遠思茅他郎各廳爲門戶而皆以緬甸爲藩籬自英人得緬藩籬撤而門戶寒矣所幸者猶有野人山之天險可以限隔中外若使野人山爲英所得則英可長驅而入雲南有高屋建瓴之勢而雲南更無可扼之險矣職道入滇後稽之志乘舊卷並訪之邊民口碑乃知野人山實係中國現屬各土司之分地皆在雲南界內非甌脫比也夫目論之士以爲雲南天末遐荒不

關形要而不知雲南實有倒挈天下之勢由雲南入四川則踞長江之上游由雲南趨湖南而據荆襄則可搖動北方顧亭林郡國利病書嘗極言之矣況今有印度緬甸以爲後路之肩背則形勢更勝於昔英之覬覦雲南非一朝一夕矣夫雲南之得失關乎天下而野人山之得失關乎雲南能保野人山則雲南安能保雲南則天下皆安一山之所繫實不淺也職道抵緬甸時英人懇懇致意欲以兵相送窺其意乃欲藉名以入野人山耳故職道婉言以辭之其後兵

已追至蠻隴職道仍麾之使回彼時與職道偕行者
惟一繙譯別無隨從之人所謂單車之使耳然英兵
數百大將二人惟職道之命是聽不敢以威力相強
者無他山在中國界內折之以情理耳不意其以詭
詞欺誑衙門終有攘取吾界內野人山之意而職道
亦難終其事所冀日後勘界大臣明於地勢善爲說
辭剛柔得宜挽之於既往則大局之幸也夫雲南昔
與緬甸爲鄰緬小國也未足爲患今與英吉利爲鄰
英強國也貌和而心叵測豈可不防其未然籌之於

豫哉查自騰越龍陵二廳度野人山以通緬甸山中
共有九道皆匯於新街新街者中國蠻暮土司故地
也乾隆閒所頒印信至今具存昔年曾侯使英欲索
同新街以爲邊庭之重鎮可以扼門戶之總樞自新
街淪於英於是職道有保守野人山九道之議蓋已
是防邊中策矣而滇中司道鎮將貪利徇私堅持異
議卒至天險驟失敵踞上游深可惜也至英所謂揮
人在潞江下游東者卽中國乾隆時土司孟艮木邦
等之地在緬甯威遠思茅他郎各廳邊外昔年英庭

曾許歸於我今雖游移亦尙未設官駐兵自緬甸渡
潞江入思茅共有三道孟艮瀕江總扼其衝亦邊外
之重鎮也職道嘗論新街孟艮之於雲南如鳥之有
雙翼新街蔽山爲險屏衛其西孟艮扼江爲險屏衛
其南又皆商市聚集之地也權其財可以裕餉練其
民可以成團地利人和交相爲資然後垣墉固而雲
南如在堂奧可以高枕無憂今若棄此兩險則雲南
固無萬全之策矣又野人山之北有甌脫之地千七
八百里相傳爲明時茶山里麻兩土司之故地今亦

野人居之既未屬華亦不屬緬職道在邊外詳查地勢由彼入華有三道一道通西藏一道通四川之打箭爐一道通雲南之永北廳若使日後爲英所并則三省邊防疲於奔命實爲一大隱憂山中產黃果樹百千萬株外洋購買其樹中之漿以爲器皿凡可收者皆是利源極大每年權稅可得十萬有奇又有金礦兩處礦苗極旺以雲南民貧地瘠而邊外有此沃饒不取以爲資而棄之以資敵甚非計也職道前過野人境內聞者咸疑爲險途可畏而豈知壺漿載道婦

孺爭迎野官負弩執鞭咸有求庇之意彼亦恐洋人之見逼耳其遠處樹漿廠之頭目亦遣使奉書譯其詞意自稱本是漢民願仍隸漢籍等語職道抵滇後曾爲諸大吏言之然非常之舉雖明知有益而牽掣在所不免莫敢決也職道此次從邊外入關勘界籌邊之苦心滇民人人能諒事機中阻扼腕者何止萬人然職道本是散員亦第能盡其心力之所能至耳

復薛星使書

敬稟者職道於本年正月間道出巴黎蒙憲台劄委查看印度緬甸各埠華商情形並密探雲南邊外與緬甸交界地勢啟程後業將查看沿途商務及應辦事宜歷次稟陳在案嗣奉鈞電諭令將勘界情形速行詳稟以便循例出奏等因遵查職道自查看商務完竣後於四月初五日由新街啟程入滇溯大盈江東北行大盈江者自騰越發源與檳榔江合流至新街之北而入於大金沙江者也初六日抵蠻弄登岸

是爲野人山之西麓初七日度野人山山中野人皆中國土司所轄職道初疑卽赤髮野人陸阻地細考之乃知其非蓋赤髮野人尚在此山之極西北所謂陸阻地者已接藏境矣大盈江穿越此山而過江以北爲蠻哈山俗稱象鼻子江以南爲南牙山皆載於滇志初十日抵蠻允是爲野人山之東麓至此始出險矣十三十四十五等日過蓋達干崖南甸皆現屬騰越之士司也十六日抵騰越至五月二十七日抵雲南省城自巴黎至此在途凡四月有奇雖備極險

艱而上賴

國家威福得以無恙查職道所經雲南邊境皆係西路在永昌騰越龍陵之外其外以大金沙江爲天險其內以野人山爲天險皆所以限隔中外者也職道詳查乾隆時滇緬老界西包孟拱孟養在大金沙江之外西南包蠻暮木邦孟密在潞江大金沙江之間其南有江自潞江通入大金沙江爲滇界盡處俗亦稱爲潞江蓋潞之支江也道光以後木邦等土司潛爲緬甸所誘中國置之不問是以現屬騰越之土司

惟有南甸隴川孟卯干崖蓋達現屬龍陵之土司惟
有遮放芒市等皆爲臨邊之地蓋已蹙地數千里矣
職道查自騰越龍陵度野人山以通緬甸大略有九
道皆滙於新街新街者騰越土司故都也若能如曾
侯原議索回新街以扼門戶之總樞是爲防邊上策
新街旣淪於英而不可返於是職道有保守野人山
九道之議守吾界以遏其闖入猶不失爲中策若并
九道不守舉野人山而棄之則日後邊防無險可扼
雖使孫吳復起亦無策矣此專就西路言之也自西

路而外更有南路北路皆關緊要南路車里土司之外爲乾隆時土司孟艮整欠等之地卽英所謂擇人在潞江下游之東者車里與孟艮相接處僅有小江數道無險可恃惟孟艮在潞江之濱爲邊外重鎮又係商貨四集之大埠由緬甸渡潞江而犯思茅普洱本有三道孟艮總扼其衝實爲要地職道嘗論新街孟艮之於雲南如鳥之有雙翼新街跨山爲險屏衛其西孟艮扼江爲險屏衛其南皆形勢必爭之地若棄此兩險則如無翼之鳥就擒必矣昔年英廷欲舉

潞江以東悉歸於我蓋卽指孟艮整欠等之地而滇中督撫誤以下游爲上游遂疑英人有叵測之心不肯輕許不知此地本屬中國於雲南邊務甚有關係奈之何其遲疑不決也北路在野人山之北有甄脫之地千八百餘里相傳爲明時茶山里麻兩土司之故地今亦野人居之旣不屬華亦不屬緬職道在邊外詳查地勢由彼處入華有數道一通西藏一通四川一通雲南之麗江永北等處若使日後爲英所得則三省邊防疲於奔命實爲一大隱憂山中產黃果

樹百千萬株多難勝計俗呼其地爲樹漿廠外洋購買其樹中之漿以爲器皿凡可收放寬緊者皆是計此樹每株所出之漿年可得小洋四百餘元利源極大其間又有金礦兩處礦苗亦旺以雲南民貧地瘠而其邊外乃有此沃饒不及今取以爲資而留之以資敵甚非計也且樹漿一物爲外洋所必需其權自我操之則亦可藉以制馭英人如康熙時俄人仰給我茶葉大黃卽借此二物之微以施操縱之術也職道前過野人境時聞者或疑其猙獰可畏而豈知壺

衆載道婦孺爭迎野官負弩執鞭咸有求庇之意卽
遠處樹漿廠之頭目亦遣使奉書譯其詞意自稱本
是漢民願仍隸漢籍等語彼皆恐洋人之見逼耳以
上三節皆係雲南邊地之要務不可不於勘界之先
熟籌而審處之西路之野人山本係現屬土司界內
之地有數百年新舊志書可據此當折之以情理者
也南路潞江以東之孟艮整欠等地爲乾隆時舊土
司英人嘗議歸於我案懸未定此當引申初議者也
至北路之樹漿廠距緬最遠向未屬緬而所關於我

三省邊防者甚大按公法云遇荒地不屬那國管轄者無論何國皆得據爲已有此當以兵力豫占可以先入爲主也職道奉委密查邊地界址踏勘既周詢訪既詳不得不悉心籌畫質之邊地耆民及有識之士僉以爲然故職道此番勘界籌邊之苦心邊民人人能諒而雲南省垣距邊已遠京師距雲南更遠燭照所不能及惟有據實稟請憲台奏聞

朝廷以爭先着而杜後患輦數千里之邊防爲億萬年之久計庶免日後有悔而歎先見之無人邊地幸

甚大局幸甚

再復薛星使書

敬稟復者職道自奉憲台委查緬界入滇嗣經雲貴總督留辦邊務凡勘界防邊各節熟籌統計其要有三一野人山爲雲南西路之屏蕃也形勢險要之所
在門戶之所繫此亦如陸抗所云有警當傾國以爭者山中及山以內山以外多有膏腴沃饒之地或以
兵屯田或招佃開荒而練團自保均不必大費兵餉而可以實邊固圉野人本樂爲我用居則行保甲之法出則行束伍之法亦可得精兵萬千地利人和交

相爲資此一要也今雖事機已失英兵闖入山中全山爲其所占然此山向不屬緬係我現屬土司界內之地載明志乘誠使後來勘界大臣詳查地勢以情理折之則挽救亦易事耳倘英人不顧情理并可質成於他國俄法皆能助我以抑英也所慮者勘界之時含糊默許仍安退讓則此山再無收回之期而雲南危如累卵矣一潞江下游以東之地爲雲南南路之屏藩也查普洱所屬之車里土司與邊外孟艮土司情聯姻婭勢如唇齒孟艮本我舊屬樂於內附英

人嘗欲以揮人歸我卽其地也現查南路邊防無險可扼難禦強敵必須收回潞江以東形勢方爲完善此又一要也該處土司富饒足以自給但照騰越七土司之例待之自可相安無事別無所難目下英兵蹂躪滇邊已徧於西路獨置揮人不卽經理殆因初議未定留以有待耳所慮者日後勘界仍以不貪爲名不肯收受此地則雲南西南兩面均有受逼之勢腹背夾攻何以自存且潞江下游現通輪舟不難溯江上駛一旦有變易如剖竹此雲南之隱憂深患也

一野人山北之樹漿廠爲雲南北路之屏藩又爲四
川西藏之屏藩也滇緬之交乃百物菁華所萃有琥
珀礦有翡翠礦有玳瑁礦有紅藍寶石礦不出孟砮
孟密兩土司境皆乾隆時屬地前明嘗遣內監掌之
近年已淪於英又有準木廠火油井廠亦在七大利
源之數盡爲英轄惟樹漿廠距緬最遠尚未爲英所
得查樹漿一項惟亞非利加及此山有之亞非利加
漸已告竭而此山正在方興之際華商入山採運者
不下千餘人其中亦有成聚成邑之處如由大金沙

江外之孟砮上山則以護砮爲門戶要地由大金沙江內之允帽上山則以三鴉砮爲門戶要地而其都會所在則曰坎底由此北通西藏東通四川雲南吾若先占此地可以筦三省邊廷之鎖鑰而邊外七大利源亦可分取其一中自有兵五千人散布要隘自足彈壓野人抵禦洋人矣其間又有金礦二處準木廠數處皆可招商承辦得其地足以固邊因其利足以富國此又一要也所慮者日後此地爲英所據則逼近雲南之麗江一府及永北騰越兩廳騰越旣添

一患而麗江永北等邊防都形喫緊且川中藏中都
未知有此間道一旦英兵分途而入川藏人見之必
將驚駭出於意外矣職道竊見滇中大吏因離京太
遠小心過甚遇有洋務牽涉必請示於總署暨北洋
大臣俟命而後舉行竊意總署北洋去滇萬里豈能
遙揣邊情曲折又竊見滇中官員懵於邊務殊少獨
醒先覺之人竊意日後勘界大臣來從遠道
周諮博訪驟亦難詳擬請憲台將職道原稟情形轉
咨總署暨北洋大臣處存案以備勘界時考核之用

或於邊務界務不無土壤涓流之益伏候卓裁

雲南勸業專使已

咨

三



寄薛星使書

敬稟者自去年至今英人開通西藏道路計有兩處
一曰阿桑在東印度與緬甸之間向猶阻隔去年三
月初文棟行抵緬甸英人正在此處用兵從緬甸之
格薩地方即高沙開築鐵路前行華商勒當苦役即其
事也聞此地已於本年開通從此五印度之火車可
通至緬甸全國而又得入藏之間道英人自以爲一
舉而備數善此在緬甸西境通藏之道路也一曰坎
底在騰越野人山之東北即文棟前信所稱爲樹漿

廠者此處東北通至四川之打箭爐東通雲
北廳北通西藏英人現欲推廣緬地火車直
由此可以縱橫四進亦自謂一舉而備數善
甸北境通藏之道路也其層層布置多在藏
恐藏中必未覺察一旦鼓行而入不但倉猝
爲藏人夢想之所不到擬請閣下移知駐藏
爲之備實爲先事預籌之要策至該兩處通
何地此間現無善本地圖未能詳確不敢臆

今

思


廣

益

編
泉

黃世初題





集思廣益編卷之一

縷陳緬甸近年情形

廣東試用縣丞陳還

竊查緬甸地勢狹長中貫大江曰伊牙窪底即大金

沙江也北稱夏鳩江

源來金沙江

東有蠻暮河

源來大盈江

西

有濛空港

源來烏露河

三水滙於新街上七里之瑞沚叻

自新街下一百六十里有瑞利江來會是即龍江之

尾再下至阿瓦之南有二歧江來會東曰漢撒窪底

源來怒江

西曰三叻窪底又名狄躉

源來雅魯藏布江

此二江水

勢雖大深淺不侔惟狄躉能通輪舟然必平底明輪

始可西抵澤抓司境現在英有三舟輪往貿易其餘

各水僅浮划筏而總匯於伊牙窪底南趨漾貢出海

或以漾貢為怒江之口見瀛環志畧上游江寬三四里時

露淺沙至下游歧河岔出兼通潮汐東環卜巽西繞

卜登等區固已暢達輪舟早通商貨自漾貢溯伊牙

窪底九百六十里上之別牟即英緬舊界所在盛產米穀加

有口外三埠曰慕爾緬即馬爾達般德懷一名吐瓦丹老本暹羅濱

海西境丁口土產尤為殷富英以漾貢握其總倚為外

府踞之已六十餘年即別牟亦卅有餘載是下緬之

民心已附地無荒壤姑無論矣惟覈計海口三埠之
華商約二萬四五千人生意之大首閩而次粵閩之
人數亦較多粵之商號無幾大半手藝工作之流滇
商僅有數家而已海口通商已久閩粵之人能識英
語言政令故得彼此相安非若上緬之滇幫商旅罕
與西人交接動輒得咎也

緬甸都會曰渺牟又名順牟

猶言北
城新城

滿得利者城北

山名英以山名名之所謂阿瓦者種人之名亦始都
之地乾隆間商道大通其都會尙在阿瓦距今都東

隅八十里外其地三面濱水形勢頗佳俗以新主嗣位則故都之王氣已盡必擇地另遷民不徙者火居以逐之至此經已三遷滇人相沿以稱阿瓦不忘所自始焉惟天時炎暘其城鄉市鎮多傍江濱便於汲引取涼自別牟上至新街旁及猛碁猶有水道二千三百餘里是爲英得上緬之地遂以快輪貨艇分走上下沿江七日兩幫刻期不輟船工水脚歲入不資各江埠生涯全屬滇人閩粵僅阿瓦各十數家而已計輪船停泊裝卸貨客之大埠二十有二小埠二十

有九而沿江寨埠相離輒百數十里逐處膏腴悉未墾闢樹草繁塞致叢毒瘴由於昔無教化民情習懶今易英治頓異往日焚山烈澤相地經營埠無大小悉設流官輪駐數十兵役下司屬吏概用下江緬人上恃力苛虐不仁下竊勢妄作威福土民本多懦善惟一入公門則頓改面目矣而滇商之眾首數阿瓦約萬有二千人次則新街猛砮不下五千其餘各埠多則三四百少亦五六十山村水驛幾於無處無之然皆坐賈久居兼有房屋者也至行商貨駝年常二

三萬自西而東路出野山分六道出入滇緬西出古

永蓋西及走錫馬

萬仞巨石關外

以赴玉石樹乳等場者爲

走廠幫自騰越經石梯

初有上中下三條分走今併歸中路

出蠻暮而

至新街者爲火燄山幫自永昌龍陵出崩干

在天馬關外

以抵硤碕

去新街六十里

楚上新街者爲硤碕幫東出遮放

芒市以赴摩谷之寶石廠者爲回回幫由緬甯出木

邦走大山至阿瓦者爲大山幫由普洱等屬出車里

走茶山而下暮爾緬者爲奔竜幫

大山奔竜大半漢回幫馳

凡此

六路每或千餘人二三千駝不等秋出春歸視遠近

而分次數近以煙酒課重條苛商道因之窒碍幫駝
大爲減色而且一經雨至則瘴起水毒有急切難旋
者卽趨就近各處度夏但此行旅大概未諳西洋法
令偶或誤犯雖煙酒之微輒罪罰兼施嚴如治寇絕
不體念邦誼稍予優容况地屬邊隅夷野雜處向來
人類難齊有種投教遊閒恆以賭博滋事英之官長
不別良莠輒拘公正商耆監罰意謂治此當可做彼
不知商賈與遊閒判然兩途強令無官守言責之人
鉗束廣眾不亦難乎然滇之商賈俱極奉公守法皆

以生意爲重從未稍滋釁隙卽使罪罰冤誣亦惟隱忍聽命迺英緬下司轉以巽懦可侮公然律以土民無論鋪戶家居年捐房產地課草茅孤苦亦須供役應差稍有稽遲則鎖梏鞭笞立至矣昔緬時禮待客商從無勒索欺藐遇事刁難如今日者去秋調到新任英官年輕恃才虐商尤甚將前邀准變通各案概爲翻轉以瓦街礮三處華商獨無差徭竟就猛礮開辦勒派眾商運糧負械眾情不服甘願驅逐萬難辱國應差後經詳達彼之上臺始作罷論無如散居各

準者仍未一律豁免且聞搜利之舉行將次第踵辦當此生涯市面日見艱難商民交困於橫征夷野懷疑而裹足向之貨利多所禁革而又科條繁密稍涉大意則蹈不測之罰矣

緬之藪澤利源多在土夷司境且夷境彎環幾於兩倍腹地自東北轉而西南共分九十九司其境廣民殷向以省賦爲第一然江東慕乃錫卜聳澤穩祚摩谷勒洽澤抓南坎九司亦爲富庶衝要之地昔緬時年征夷司戶稅差撥銀令自爲治服管轄不服調遣

而山野則服土夷調遣不服管轄蓋夷司近邊山野必履境而購食用故得扼吭以鉗制之英則不然以夷野聲氣易通恐其自治聯而爲患於夷境設官駐兵治同緬民有一二夷司不願英爲設官則戶稅等銀年重一年如禱祚素稱富饒最惡洋人約定繳銀不設官初定帑幣銀四萬元每元合紋銀三錢遞年增至八萬上年仍設官於司屬之果嶺又令增銀二萬穩祚忿不能堪遂於今春殺其果嶺官兵以洩恨英兵三路夾攻之以致敗遁前有摩媒卽孟密亦曾抗英敗轍

此二人爲夷境土司之錚錚者按省臆卽木邦緬特
易其名色猶之孟密改爲摩煤新街而稱八慕之類
木邦蠻暮猛砮同爲內屬之三司具在書志考且乾隆
間所頒宣撫司印前於蠻暮河網得呈繳藩庫尤爲
確鑿可憑昔三司之地歸緬轄治緬爲中華藩服是
寄之而非棄之也但今緬旣易主况易悍鷙之英其
地俱關門戶之要若再緩不向索則根柢日固將來
不易言矣至山野種類甚繁亦有良莠之別安分者
勤力耕作仰食山場賴商旅爲衣食之源從不出山

騷擾若騰永龍順一帶山頭半夷半漢居多性貪狡
不事生產專以殺劫爲事輒擋路結茅隨在嘯聚魚
肉行旅視爲泛常以未實力痛加剿洗故難生其畏
懼之心昔惟伐樹阻索近則公然放鎗劫駝大肆猖
獗今春張天明副戎等奉委疏通商路整頓石梯路
以通街騰貨幫所募土練二三百名扼要築壘分投
巡護抽收商貨之資以作山道之用不動公帑辦有
成效商旅旣慶保全稅釐亦有起色初野眾以爲絕
其利路糾聚各山無賴意圖騷擾驅逐護兵經張副

戎等奮力擊退勦辦一二次聲威所播遠近多來投誠山道爲之一清辦理正在得手忽有停撤之議若竟半途而廢則前此勦辦諸端勢必歸罪商旅勒償殺劫永無了期更恐英夷輕藐以乘僥倖之機挾商保送既得經費兼可越窺虛實從此進山據險爲有詞藉况英初踞新街曾有以山中虹蚌河爲界之說旣無確證究未敢上駐山頭而我護駝兵士直抵山外之老蠻暮境未聞彼有異言方欲藉此以作根基何可遽議停撤乎且土產多在西北野山與東北夷

境故以猛礮車里相提而并重者爲有貨利七大宗

馬曰巨木樹乳棉花芽茶紅寶石翠玉火油母等每

宗生易約二三百萬數十萬元按巨木似椴楠質堅

紋細用作火輪舟車最能耐久樹乳一名黃果漿俗

象皮膠名之卽樹高陰濃枝本皆乳大樹可出千觔

小亦四五百觔要必輪相採割庶免枯萎三年亦卽

復元其漿曝乾凝結堅韌如牛筋刀不能斫水不能

腐西人賴作器皿用處甚繁尤爲機器製造海底電

線之所必需近年中華多向購用將來舟車日盛需

用必多宜令出洋學生訪其泡製之法以收利權昔
礮乳未見僅阿非利加一洲有之較此質力懸殊西
人咸稱礮乳妙甲天下十數年來利難盡言翠玉惟
中華銷售而西人所重者紅寶石耳現在英於新街
征出山乳稅每年可得十萬元翠玉招商課年亦四
五萬元他日無論猛礮索回與否而此千七八百里
產乳野山務必盡歸中華管轄卽以英征稅數移充
設立領事辦理邊務之俸餉綽有餘裕勿以鞭長瘴
盛爲彼所矇混也至歷來殺劫行旅諸野多在火燄

山以東觀於石梯之勦撫事非難辦夷野畏威甚於
懷德於斯益信然必預擇安插之地以免流爲外敵
而我邊境沿山儘有腴曠之壤將當路窩巢勒令遷
徙以實其地或分入屯田兵練之中俾濡聲教以化
氣質勤加策勵定能盡力耐勞而爲我用其山中要
道仿照石梯之法辦理以嚴門戶而察奸宄亦守恆
經久之善策也

英之窺滇匪伊朝夕曩其心切圖緬特乘安南有事
之機猶恐我能兼顧復藉進藏相爲牽掣迨緬既定

以腹地不足有爲仍就議辦藏印交涉壹意講求滇外邊字詭謀叵測豈復可量蓋其意在幹旋確有把握鑛路得以暢達始與我議疆界此情勢之顯然也夫以滇南一省近與英法爲鄰當兩敵國邊事之緊孰有重於今日者奈何畧而不籌一任禍患之臨偏哉光緒十二年冬爲英得緬之第二年見中華未與議辦邊事遂撥兵四支各五百人由印度緬甸分投入山耀武撫野約期會哨名爲察看野山情形實係試探滇中動靜并爲安設鑛路之堵及入山互相對

向闢徑而行以驗通達之難易也事僅兩月經已閱
歷一周彼時雖草草一查已能得其要領至去冬又
經三年仍無開辦之議復遣兩支各帶護兵五六十
名一由阿瓦東北轉入土夷各境歷九龍江而西至
孟遮南坎與內屬猛
卯連壤一由新街轉查巨石萬仞關外
及產樹乳各山此路未及三月爲山野阻回而東北
一路今逾六月未返聞其經行夷境野山日逐丈量
地段測算河山圖繪險阻形勢詳註丁口田糧及物
產民風沿革建置之由凡有利賴之區固已明如觀

掌早有成見他日與議畫界址內屬司境我或稍有未悉定爲所攘更恐界址未畫突然鑿路已通舊司之地未還車里等區轉失是宜擘畫未雨先事防維之爲妙焉况其火車之造成自印度此猶未覺彼已歲事十四年腊八日自漾貢上達阿瓦之鑿路告竣是爲下緬即擬接辦北路時以該處夷司未盡歸附東岸之路姑且開寬其途以通牛車貨駝蓋九龍江外所產芽茶運銷入緬者年常拾數萬擔加有大山奔竜漢回等行旅出入阿瓦販運洋貨而車里等區又與講東

暮乃各境犬牙相錯若將鑊路遽然開進恐滋物議
故僅修途通幫以作鑊路之引遂於叻蓄地方設重
鎮總握夷疆征戶稅而養兵弁嘗藉招僱夫役騾馬
試看人心乃其偶出一言而竟頃刻麴集彼見人情
貪利事屬易爲於是下本經營無異儲之外府浸漬
利誘地拓日廣招羅山野及邊內夷戶給地令自墾
闢免稅三年壯者選充役兵少小令入洋學立頭目
以司其總似此夷野本屬窮困無聊一旦欣有所得
遑計後害故往者源源弗已然使邊內屬司善撫育

不事苛歛彼亦何致棄根本紛然外趨且之隴川
猛卯遮放芒市等司境皆與外夷毘接亦爲切膚可
慮雖各司員并無異志若該屬夷戶見利忘義起而
效尤殊屬不成事體恐爲養成氣力反戈相向宜思
所以杜絕之道所謂亡羊補牢猶未晚也再上春產
乳最多之琥珀場出有殺斃滇商之案或謂地方洋
官受賄不爲明寃有總管鍊路英員藉此馳赴該處
并非查詢命案乃對徑測算以通阿桑之路卽阿薩
密一名
結些今屬
東印度僅四百餘里爲中隔高嶺深澗未能度越

繪圖而返聞俟上通猛砮路成卽行開築此路而阿

桑早有鑛路通至格里夏打海口卽孟加叻原爲通入乳

山而設也查上通猛砮之路已由格薩起築上通格

薩之路則從直耿在老阿瓦對江開辦均於上年二月動工

是爲上緬西岸之路再年餘定可一律成行聞直耿之路近能

上達瑞波將來猛砮阿桑路通則樹乳貨利必由火

車運赴東印度出洋免由新街漾貢之轉折矣但其

下緬既有東岸之路以通阿瓦上緬復有西岸之路

以入猛砮江有火輪舟相往來是緬之邊腹已能包

拈無遺若其再將上緬東岸各路以次築成則八達六通不獨全滇之大患而已也

竊惟目下邊事似不可遊移再失機會宜趁此邊外夷境鑿路尙未開通民情猶在觀望未盡甯帖一面整頓邊內一帶府廳各屬之團甲屯務振士氣固人心而足兵民之食聯絡內屬各土司俾知戮力同心禦侮自衛如能就近調撥鎮兵選擇才幹員弁出駐車里隴川等司境諸夷及見重兵坐鎮得有依恃之助易於聚合爲強不敢貪小不堅致墮英人之術而

萌向外之念一面陳請

督憲會同奏請

簡派專任邊務大員先向索取木邦蠻暮猛砮三司
舊境并止火車鐵路開入我邊司屬各區待將舊司
之地退還再與聲明前約議畫界址惟斯舉必得招
募練勇數營就地取材爲上非爲輔助戰爭壯聲勢
期濟事機也舊境一帶近接內地土民類多華裔奈
彼詐力所脇叠遭苛虐多端疾首痛心含恨莫訴驗
以摩媒穩祚等司民情之非甘願可見惜無援助義
憤空存設我承辦邊務大員倘須入緬會議事宜將

練營分駐邊要隨帶小隊親兵聲威所指輿情必喜
彼抱夙怨者或有慷慨激發乘勢奮與爲難英人狡
黠知幾苟見變患將起定能帖耳就約易於商辦此
非挑釁可比乃天理自然之道昔索伊犁亦賴兵力
之有備也即使三司不還固亦未便與啟爭端而英
亦安能獨享其利乎除野山仍歸中華管轄以作全
滇屏障外其新街應留作內外通商之地由我設領
事保護全緬商民以拯橫征虐待之苦兼知鑛路意
向所屬揆之時局邊事重於商務要必先理商務而

後界址始與邊事有裨英若諳諳必先界址則清查
勘報非二三年不能完畢彼必乘間一網打盡迨辦
商務則無事權之可操矣果能開辦商務宜設領事
正副二員一駐阿瓦管理上下沿江各埠兼控北路
商旅一駐新街兼轄猛砮以衛西路邊情下緬海口
等埠英占已久雖無要事而華商亦眾宜令領事不
時輪閱遇有應辦事宜會同各該地方英員秉公理
處第充領事者宜選廉正熟悉情勢能盡職分之員
庶能裨益大局惟緬之領事重在邊務應與海口理

事少示區別如能因地變通就近改隸 雲貴督憲
轄屬尤臻妥善既有權勢可倚英亦未敢輕視於電
達要公稟報機密更昭慎速以免輾轉稽遲假手傳
遞而有洩露之虞或以交涉事件異於內地有碍定
章則以商務歸外邊事歸內啟達於兩間亦未爲不
可也若經議定設立領事卽須畫分華商地段並擇
建立商署之地然商署自以就有商眾地業所在方
易照察如阿瓦有漢人街二條每長五六里間有土
民在內而散居各街之商號亦多將來起建商署以

街首爲宜至新街濱江街市袤長不足十里滇商居於中要地產皆經百年街之兩頭悉係土民鋪屋街頭在北冬春水涸輪舟不能上泊尾則秋夏水漫難居惟上五里有臨江高原形勢甚佳相傳爲漢武侯故壘就彼建署則可移街似有未便也倘須另闢商埠則新街順流而下百五十里貼皎躉外卽葫蘆口有瑞姑蠻暮緬甸老街所在素爲水道緊要關隘土民千五六百戶亦濱江之巨寨也貼皎躉猶言上石峽通緬僅此一線夾岸石山壁立迴環六十餘里有一夫當關之勢

洵爲天生扼塞也如就躉中築一礮臺雖鎋艦難越而該寨近在躉外陸接野山可入南坎遮放芒市兼通龍陵永昌各屬以山徑崎嶇地非總滙貨幫罕出其途較之往來新街爲稍紆遠若能索得瑞姑用作商埠以扼其吭彼當以街相易蓋新街虛做四面受敵轉不如瑞姑之有險可據然此時砮路未通彼必仍以新街爲重而瑞姑亦恐未易割姑視辦理之力量若何耳

鄉晚自慚窮陋學識庸庸何敢謬議是非妄參利害祇以邊危籬撤念切齒寒彼之謀遠慮深

憂徒杞抱昨值星輶臨蒞洞燭機微辱承虛席下詢
謹攄管見倘以芻蕘可採仰蒙鼎力轉陳俯賜施行
卽子舉辦則全瀕幸甚大局幸甚

集思廣益編卷之二

縷陳騰越所屬七土司及一帶野山利弊情形

騰越

附生王家賓

竊查騰越七土司之設肇自明初始則人民稀少而地多荒涼且煙瘴甚大今則生育日繁而地無曠土卽煙瘴亦潛消矣七司地勢環繞毘連南甸司離城南三十里地勢狹長東西兩面皆有山其平地約寬十餘里長八九十里平地土民居多約有六七千戶內有漢民六七百戶東西兩山漢民居多約有五六

千戶野夷亦有數百戶千崖司離城南一百二十里
與南甸接壤其地約寬二十里長一百二十里土民
約有萬餘戶漢民二千餘戶東山上亦有漢民五六
百戶野夷二三百戶蓋達司離城南二百餘里其地
與千崖司中隔一江原來蓋西尾卽蠻暮江東屬千崖江西卽
蓋達約寬二十餘里長八九十里土民約八九千戶
漢民約七八百戶西山上亦有漢民千餘戶野夷三
四百戶戶撒腊撒二司地段相連離城東南三百五
十里共寬六七里長六七十里土民約六七千戶漢

民僅數十戶此二司之土民與各司不同概能說漢話間有土語其天氣又屬清涼從無煙瘴樹木花果亦與內地相同民居概是瓦房隴川司離城東南四百里其地約寬二十餘里長一百一二十里土民約萬餘戶漢民二三百戶猛卯司離城東南五百餘里其地約寬十餘里長七八十里土民約六七千戶漢民僅數十戶七司地土民專以耕鋤爲業漢民專以貿易爲業在山間住之漢民則種芙蓉種豆菽爲業凡住司地漢民大概自乾隆時遷來或兵燹後被難

流寓者一切徭役科派早已與土民一律矣

七司之設原以地土爲彼之爵祿官出於民民出於土固無論也七司中地土僅戶撒腊撒瘠薄且官弱民強然亦非犯上作亂不過除按年正款外官不能苛派耳其餘五司皆屬膏腴有官田私田之分而租賦頗重南甸司年收租糧四五千石芙蓉二萬餘兩以及土產等物干崖司年收租糧一萬四五千石該按司官田甚多係百姓負欠官款將田沒官者芙蓉二三千兩並土產等物近惟干崖司最稱巨富蓋達隴川猛卯三司年收租糧多者二

千餘石少則千餘石戶撒腊撒共只三百餘石遞年
大派一次小派三次上戶十餘兩中戶七八兩下戶
二二三兩又有房捐地稅每戶多者三兩少者一兩二
兩不等凡有婚嫁生育及喪葬之事以及文武巡閱
所有一切需費皆屬以一派十不問鰥寡孤獨一律
攤派毫無豁免至有賣子女以償官款者或將子女
沒官爲奴者無分貧富俱不能安生全爲司官之因
事需索藉故敲磕雖有好騾馬亦不敢蓄養恐司官
見之而索取也且攬奪民利種種苛虐之處不可勝

言彼乃世襲之官百姓莫敢申訴皆敢怒而不敢言
惟有散而之四方也今各司地之士民潛逃於緬甸
各處者總計約四五千戶矣此所謂財聚則民散也
竊思各司地之民皆係良民奉公守法各尋生理且
讀書明理者亦多非化外可比奈何虐制於土司竟
不得同沾王化耶

七土司地四面皆屬野山且通緬甸當日設立土司
原爲鎮撫野夷之用以作邊境之藩屏而野夷之到
司地搶劫以及在山搶劫者已經數百年矣土司從

未勦辦自乾隆後商道大通凡出入緬甸之貨駝不
惟夷山搶劫卽司地內亦常有搶劫之患且有族目
串同野匪搶劫商貨彼又代往取贖以圖面面取利
者土司亦置之不問且商貨經過司地土司族目必
抽崗銀十餘道多者每駝三分少者一二分總計與
稅課相侔凡遇搶案彼未嘗賠還一次又未嘗認真
查辦一次此所謂喫崗不保路也司地村寨頗屬稠
密且週圍有竹木壕塹只因土司苛虐百姓不敢蓋
瓦房所以野匪來司地搶劫雖在村邊亦不敢出救

縱預先知之尤不敢外言蓋恐野夷懷恨於夜間暗
來放火燒寨也然則野匪之魚肉我商賈視爲泛常
者亦由土司縱之使然也

由七司與緬甸通商之路共有六條由蠻允

此地原屬干崖

賄嫁與南甸今屬南甸管轄

進蠻弄有上中下三路

上路又名火燄山中路又

名石梯下路又名河邊

此三路最爲近便相距僅二百餘里由

蓋達進蠻弄有錫馬

卽巨石關也

此路上猛砮玉石樹乳

等廠亦間走之由干崖進新街有麻湯路此路必經
由戶撒腊撒之地由騰越出隴川經猛卯轉上新街

有硤洞路

卽天馬關也

由永昌龍陵出遮放南坎者亦走

此路惟此路野夷最爲安分各事本業無搶劫之患
十年前曾搶過一二次因領幫之人乃久辦軍務者
膽勇足備且隨帶有軍器卽挑選趕馬人二百餘名
將野寨剿殺并將貨駝奪回復又施之以德近十餘
年來野夷畏威懷德此路竟暢達安行但程途稍迂
僅趁冬春兩季走二三轉也至於上中下三路及錫

馬麻湯二路之野夷則任意搶劫動輒鬧事矣

凡野匪槍

劫商貨必藉口阿公阿祖或打或殺等類

其積弊蓋由文武官員及各商

號狂於剿之不盡撫之不安必須以夷攻夷之論而
畏難苟安自乾隆間滇緬通商以來凡此五路之野
夷撫則有之剿則未也且又泥於以夷攻夷爲得計
在先年多用土司保送以圖彼有兵權得以剿撫兼
施殊不知彼安能臻此反幸有野匪之搶劫彼可代
往取贖轉得於中取利用野夷保送則有串同搶劫
之弊或保頭公然搶存有勒索銀錢而後送還者有
卽藉鬧事之名而支駝不還者用野夷往攻野夷則
有物傷同類之情從來未有功成用野夷往刺野夷

則每爲機事露洩反招釁隙而倍加搶劫故此五路商貨結幫而行多則千餘人二三千駝少亦二三百人七八百駝或千餘駝然人數雖多而人心不齊不敢隨帶軍器或有一二帶軍器者倉猝間或將野匪殺傷則眾商號及領幫之人不惟不獎賞反罪其多事蓋恐野夷懷恨遷怒往往將殺傷野匪之漢人縛送贖罪任憑野匪自行處置者遂致野匪日肆猖獗毫無畏懼凡經過野寨勿論大幫小幫只須一女子小人前來阻住卽不敢行此實養癰成患自貽伊戚

也野山夷規凡領幫之人騎馬行李不得搶劫彼往野寨贖取貨駝亦要以禮相待故領幫人亦幸有搶劫彼往取贖一切開費以少報多因此而致富者多矣先年攔截幫駝不過索取崗銀煙酒而已今則埋伏夾道一出則放鎗殺人甚至野匪殺野匪亦要漢商賠償其橫惡至於如此之極去歲十月間南甸干崖二司見商道如此阻塞奮然而起請憑眾商號認承保走麻湯路聚幫眾至千餘人二千餘駝保路之士民野匪亦有五六百人然野匪欺土司素懦無謀

貪財吝賞糾眾千餘人將幫駝四面圍困殺死幫內
數人比卽搶去花貨百餘駝南干戶腊四司發救兵
至千餘亦無成功困至十五六日無計可施乃同野
匪講和給野匪洋錢數千元以及煙酒等物野匪方
撤圍退去幫駝始得出境所用使費仍爲貨駝商號
攤認而南干二司從此亦不敢復云保路也及至臘
月間路路爲之搶劫月餘不通幫駝然野夷之性畏
威甚於懷德昔馬武相帶領二三十人保護蠻弄隨
便接送打里一帶來往之駝幫曾殺野匪數人七八

年來足使野匪聞風而遁奈人數甚少顧此失彼自
本年正月間張協戎天明等帶練入山以馬武相等
爲隊長野匪初次來搶卽被練軍殺死數人其後野
匪以爲練軍入山保送從此不能勒索崗銀搶劫商
貨衣食之資無所仰賴乃糾聚諸山野夷約一千七
八百人將幫駝截住意在驅逐練軍怎當得練軍爭
先奮勇殺得瓦解冰消然此時野匪固已畏威矣而
懷德則未也

諸山野夷名雖多而實不多也如錫馬火燄山石梯

河邊麻湯等五路之山相連約寬二百餘里長三百餘里每路野寨多則八九十寨少則三四十寨其寨之大小僅十餘家小卽二三家人丁之多總計約三四千人從來安分未搶劫者亦有千餘人專以耕作山場喂養牲畜爲業如專事搶劫者卽有恆產亦懶於耕作也無論寨之大小皆屬一寨一官或三五小寨一官各不相管轄且野夷山規凡此路野匪往彼路搶劫經過他寨所屬之路必須先往說明准行則行不准行只須橫一木於途卽不敢行也現在張協

戎天明辦理甚爲得法此時雖概走石梯中路其上
下二路之野匪隨時賞與銀錢煙酒吃米等物責令
防護他路野夷勿使來此路搶劫如有不遵不惟剿
洗該匪之寨卽所經過之寨亦皆剿洗野夷見此聲
威俱莫敢違令惟是所得賞資決不能似舊日搶劫
之多今未得賞資者多已覓食他山或逃到新街以
砍柴爲業據野夷與人談論華英用兵之法殊覺芻
蕘可聽彼言同洋人交戰不足畏畏其有恆心去而
復來也同漢兵交戰真正可畏然有始無終究亦不

足畏也據此恐野夷不免有伺我疎虞糾眾伏截之舉不可不防且英人常欲乘隙進山當二月間幫駝被困時曾有信與騰越廳鎮言我二國乃和好之國如貴鎮廳兵力衰微不能解此重圍願統英兵進山代爲剿除等語此誠欺人至極也然英人之視我中國可欺則欺不可欺則已正宜乘此野夷畏威之際鼓勵張協戎天明委以獨辦之權得以便宜行事不至有掣肘之難俟至八九月間將練軍招足五百名之數扼要添築營壘於紅蚌河外添築一二營打里

壩添築一二營庶免打里壩一帶之搶劫也且令練

軍在山者輪流開種山場在打里壩者輪流開墾屯

田以資兵食示以久遠之計其野夷之素不安分者

勒令遷徙二三百里外膏腴之地

西北有一地名大地方週圍百餘里

與列繆相接無人煙可勒令野夷遷居其地

給與耕牛穀種導令為農使

彼衣食足則自無盜心也按每年街騰出入花貨約

三萬餘駝可抽保路資銀四萬兩之譜除開官俸練

餉及野夷崗銀等費外尚有贏餘銀萬餘兩

當日開辦此路

議以贏餘分作四股鎮廳兩署藉作利藪

即將此贏餘銀以作買耕牛穀

種給野匪歸農之費及練軍開墾屯田山場之需則
綽綽有餘裕矣惟紮營於紅蚌河打哩壩等處或慮
英人過問致生釁端竊料必不敢也縱彼過問只須
嚴整軍威言本邦八暮猛砮等司尙屬我中國之地
我中國猶未追問今我中國紮營在此非有他意不
過保護商道而已以此責之英人必不敢再問也若
能如此籌辦則不惟野夷不敢輕視卽英人亦不敢
挾詐進山誠邊圉之福也

光緒拾五年三月間有一管修鐵路之英官由下緬

一帶游閱至新街會同耶穌教長施提鳳者

此人漢文漢語

皆

逢我漢人輒問由允帽至蓋達由蓋達至蠻允由

蠻允至新街之程途以及山勢平險高低情形有人
問彼查此何爲彼言要修鐵路耳已由印度邊界及
直耿動工矣此二路皆於猛硯會合又由猛硯修至
允帽由允帽修出蓋達由蓋達出河邊路修至新街
由新街修至阿瓦特爲商人之便等語又有人告以
蓋達乃中華司地何得越境且有夷山之阻必不易
修彼言自有法耳彼又言嘗聞華人論夷山之事勦

之不盡撫之不安此誠迂濶之論也竊慮英人非好爲大言者有是言必有是事安得不防之於未然哉竊觀今日之時勢誠有如憲臺所云重於海而忽於邊然海事近而爲害淺邊事遠而爲害深亦誠如憲臺之論宜乘此未然之際於沿邊野山扼要築營就近擇地開屯以保護商道爲名謹嚴門戶彼縱有奸謀何由而入且可爲進戰退守之基也

英人自去歲以來曾派二三大員各帶兵役六七十名僱華人騾馬百餘頭隨帶糧餉筆碼等物分頭查

勘我邊地一帶野山多是人所未到之處所到之處
繪畫地圖尋訪路徑凡出我內地之路更爲留心所
過野寨皆以好言撫慰并施煙酒銀錢野夷無不歡
喜彼苟無鯨吞蠶食之志又安肯勞心勞力無端費
此十數萬之資乎况今駐街英官屢欲藉故同我內
地官員交通書信蓋亦欲售奸謀也大抵英人舉動
有求於我則以和好爲名無求於我則藐視妄爲且
英人謀奪人國凡稍有藉口卽大逞奸謀曾聞吞緬
之先在總理衙門聲稱緬王暴虐不堪爲君願代彼

別立賢君以蘇民困不意將緬王擒獲之後竟霸其地爲已有而慘虐緬民及我華商之處更甚於緬王百倍我中國藉此名正言順聲罪致討縱不能將全緬要回亦可令彼將本邦八暮猛砮三司等舊地歸還英人不懷德而畏威若能先振軍威彼必俯首而聽從伊犁之前事可以爲証如謂和約可恃彼必不負約則緬甸亦與立約和好卒不可恃當路巨公不當以之爲鑒乎 晚生 一介庸愚狗識遵


王之義昨值星輶臨蒞未獲躬親教益抱恨良深然

見公一二舉作誠有維持大局之心且不分畛域尤
令人倍加欽佩不揣孤陋冒陳劉見倘蒙督憲會
同奏請施行則不惟滇邊之幸卽天下亦幸甚也

偵
探
記

江詒孫題





叙

予在太西既定查看滇邊緬界之議尙未奉檄聞印
度政府先已派員遊行分爲兩路一路查看大金沙
江上游一路查看潞江下游以東至九龍江皆滇之
邊界也予因電屬滇省所派駐緬坐探之張舉人成
濂遴選曉事者尾隨英人察其所爲以收知彼知己
之效維時張君之弟成瑜及其族人德馨願任是役
充作駝夫前往英人信之不疑遂得悉知其底蘊每
日以緬文記所行事及所經歷之地因同行者多通

華文故出以慎密也既歸然後譯出各成行記一卷
詳畧互有不同要其不辭險艱則一也成瑜歸已病
譯甫竟即亡尤可悲也已上海姚文棟

偵探記卷之上

密察英人窺探大金沙江上游一帶邊地情形

越騰

附生張

德馨

英人於光緒十六年十一月初八日辰刻由新街起行乘小火輪船沿江而上是日未刻至江邊一緬寨名曰清蒲約有人煙十餘戶是晚卽於此寨外停帆而宿盤坐四日 查英員四名

其一名曰厄了徒年約三十餘歲身中材面白有鬚性情剛烈略通漢言漢字昔時曾署猛砮温道之文

職今則奉委閱邊加爲阿也伴之職總理行程一盤
大事帶領黑面小兵七十餘名爲護衛內有兵頭二
名爲管領僱就我中國昔日大理騰越作逆逃生現
住葫蘆王地界之回人騾馬九十四匹查此回人實有
騾馬一百二十
匹許英人只隨從馬夫三十名鍋頭二名每牲口一
匹按月給洋銀四十員馬夫別無工資限五個月爲
期倘只用三四個月亦照五個月工資開發不能少
給分毫先於冬月初四日由新街人馬空閒取山路
而進限五日期內至清蒲聽候應用另僱有木果船

四支朗船四支亦已由新街載運一切糧餉在彼待命多日矣

自十一月初八日在清蒲盤坐至十二日其三英員乘小火輪船而至就此同住

其一名曰好不得年約四十歲身中材面白有鬚體態厚實性情平和能言夷人之語現受阿瓦温道之職今亦奉委閱邊除圖書外帶有小徒一人乃黑面一流亦能畫年約二十餘歲從者二十餘人

其一名曰不來特年約二十八九歲身上材高大面

白有鬚情性勇敢文兼武職亦奉委閱邊測量道里
盤查一切人煙戶口村寨稍暇採尋奇花異草從者
四五人

其一姓名未考乃接替猛碁舊阿也伴之新阿也伴
也

十一月十三日限天明起行水陸並進英員好不得
同猛碁新阿也伴帶兵二十餘名依水道而行沿江
繪畫地形兼督催糧草英員厄了徒同英員不來特
以及好不得之小徒從山路而進亦繪畫山水形勢

不來特天天後行逐處測量詳記道里人煙戶口村寨厄了徒前行開路查當時此項牲口不過駝運糧食二十餘囊其被蓋行李不多每馱略重十四五砵是日午刻卽止宿於郊原經過緬寨三四處

查每寨約有人

煙十餘戶

十四日仍以天明爲起行之規

以後逐日如此

經過三四緬

寨是日未初卽止宿於小江邊

十五日起行至猛砮江邊用小船渡過卽宿於江之彼岸

十六日起行過一小河午刻卽止宿於緬寨名曰戶
幹現有洋兵五六十名乃黑面人也在此寨之後駐防寨
前有江一灣瞥見江之中流來數船將欲到岸觀之
乃卽英員好不得與孟砮新阿也伴督帶糧草遵約
來相聚會也

十七日停驂孟砮新阿也伴告別由猛砮江而去
十八日厄了徒令緬船先將糧餉行李渡江越過彼
岸卽宿

十九日仍水陸並進經過緬寨三四處

每村約十餘戶內有

野人一二戶同處

二十日起行過一大河後穿長林至一地名曰三鴉
磯有緬人十餘戶野人一二戶間有華商住彼辦樹
乳者再行一里之遙有一寨名曰密己那有緬人二
十餘戶內設頭目一名亦有辦樹乳之華商寨前有
一大江水勢頗深對岸有一緬寨漢夷人同處約有
十多戶對岸之上流約相隔二十里許有一緬夷寨
名曰蠻南有緬夷人約共二十餘戶其中野人一二
戶對岸之下流約相隔二十餘里許有一緬寨名曰

允冒亦緬夷人住寨約有二十餘戶亦有辦樹乳之
華商寓其間由允冒再下約相隔八九里有寨名曰
憂鳩由憂鳩再下約二里許有寨名曰打落查以上
四寨皆順江邊而立由此數寨後越山而至漢土司
地不過三日之遙也

二十一日停驂盤坐

二十二日停驂盤坐英員等三人預爲選僱緬人中
熟悉野夷言語者四五人以為領路每人按月給勞
資洋銀三十員

二十三日水陸並進如前所行之程盡屬荒郊溪深人馬幾陷所經之寨已無緬人踪跡考之乃緬之邊限也是晚宿於郊中

二十四日宿於大江邊緬人呼其地曰米聰是晚水道官兵糧食未至

二十五日停驂候之至己刻有水道兵丁皇然來告曰此江下流亂石叢襍江面露水皮阻塞船隻不能逆上更加水勢緊急拖拉數次皆壞絕徒勞甚矣于是三英員商議因不來特帶有巨繩領強壯兵丁二

十名折回相助督令壯丁竭力拖船上行及船到米
聰視之已多半傷損糧食染水漬者亦不少矣余觀
此江之上約半里許乃是兩叉江其江有兩條而歸
爲一者也查左邊一江由華界騰越之明光練來源
右邊一江由夷地坎底來源又口以上石露水面船
亦無能再上英員議以爲船旣斷不可行只當別圖
良策一員曰此舉必遊至坎底方可相度機宜照此
看來非駝運二個月之糧餉不可擬設新章以牲口
六十匹運糧每匹駝糧三囊每囊約二十砵以三十

匹運行李等物每匹駝行李等三捆每捆亦約重二十砵聞脚人等怨聲咨嗟大衆告辭不願前行英員厄了徒不允脚人暗地嘖嘖雖隱有憤恨之心然亦無奈何

二十七日英人強逼駝運而行中途聞脚夫怨言仍然罵不絕口查英人所帶之糧其數不少是日早晨先命兵丁將下剩三個月之糧餉等裝入船內命兵丁二十名同船夫解運順流仍回密己那地方草創一行糧臺小心守護留待二個月後再來搬運

二十八日起行陟彼高山恍若在雲霧之間未刻卽止宿於野人寨

二十九日登山越嶺所行之道真鳥道也倘人身長四尺卽當鞠躬而行又况兩旁籐刺交加所謂碍帽籐盤屈拘衣樹攪拏正合此詩之言也如此連行三日端然不異俱宿於野人寨且經過大河二道兩岸亦無人煙船隻對岸水勢甚大策馬而渡所運之糧食行李等被水淹其大半染水漬者十之三四兵丁馬夫皆掠衣卸甲相牽而過越三日

十二月初二日行至一野人寨山高懸絕四面險崖間有出乳之樹數柯見刀所砍之痕從根至枝尖刀口所隔不過一寸許是晚卽宿此寨至夜間忽覺牲口有驚懼之狀

初三日天未大明脚人來告英人曰昨夜牲口失卻二頭英人並不許脚人找尋卽催趕前行脚人恨之切齒口出怨言如前無奈強勉忍之而已是日午後宿於而排下山野人寨之次

初四日停驂脚人折回尋獲牲口一匹其一匹被虎

食去

初五六七日挨寨僱野人領送先步一山其山高險無路英人命野人尋鳥而往所上之坡不啻雲梯所下之坡不啻井底霧鎖深林天日莫覩一連三日皆是如此

初八日行至一野人寨名曰而排蚌籠捧約有野人三十餘戶是日卽於寨內宿

初九日停驂至晚有本寨頭目來對英員言曰我自立此山以來漢緬兵丁未曾到此爲何爾洋人突如

其來也倘要越過此地必須先給洋銀二千員鴉片煙四五百砵始肯容情不然則萬難相容英人當卽給洋銀一百員鴉片煙一二砵收受者一人其他衆人不肯受卽言倘若不給所需之數縱爾英人等過去我必先往前途邀衆阻攔領路人聞之急告英人是晚此寨野人不知如何號令轉瞬間見野人四路蜂擁而來各持軍器略計其數二百餘人是夜聞有刀木之音英人大驚卧不安枕密令兵丁人人持械通宵防備

初十日天明尙欲前往命領路人探查回報前邊道路盡被樹木攔阻不能再行此外亦無可行之路英人聞知卽刻傳令折回原路別尋他道而行剛出此寨後二三里野人鎗炮並發響聲震地英人只管催行不理官及小兵人人喪胆各各驚心無不色變矣只得照舊路折回越四日

十三日起行脚人又告英人言昨夜牲口又失卻一頭竟無踪跡英人亦不許找尋後亦不知下落是日遊一橫山斜嶺下至一地名曰抱空渡淥間有華人

辦樹乳者寨內僅有野人三戶是晚卽宿於此寨之外江邊

十四五日停驂尋船渡江不可得

十六日上山起行適出江邊尋渡亦不可得

十七日沿江而下再尋渡亦不可得英人命兵丁伐木爲筏

十八日命兵丁乘筏至下流尋渡約行四五十里許始有渡口又因水勢汹涌江口寬濶非用繩索拉扯不能渡過彼岸奈無慣渡水手亦無繩索此時誠東

手無策矣再四尋思惟江中有一大石

十九日天初明卽取脚人所用皮繩將大筏拴妥好
不得帶有樹乳造成之小船一支可容二人先用此
小船渡數人並繩至大石上竭力拉扯方將大筏上
所載官兵軍裝糧餉等渡到大石復又用小船渡一
人携繩往彼岸用力拉扯大筏如前意欲數十人過
得去無如渡至江中人船順水而下仍行折回一連
數次不能渡過衆皆盤坐於大石上納悶午後突然
有野人八名忽至江邊英人命領路人喚之許與多

金命其來渡野人卽尋獲小筏來至石上將糧食軍器載之而行野人八名同厄了徒及不來特二人親身並領路人三四名共十四人竭力攀渡十四人不容稍間連渡數次至戌刻尙未告盡是夜洋兵脚人宿於江中大石上者大半

二十日天明厄了徒及不來特同領路人野人十四人竭力如昨接渡至午刻方盡此一舉足見英人之不畏難而苟安也

二十一日穿越橫山而行至未刻又至江此處已有

渡船是晚宿於彼岸

二十二日起行順江而折是晚宿於荒郊壩

二十三日起行順江直向大壩而折已刻見壩中一漢夷人寨約有人煙四五十戶是晚宿於郊原

二十四日由壩尾起至一壩有漢夷人三十餘戶耕田而食是午折至蠻南宿於寨之前江邊

二十五六日停驂

二十七日停驂重運糧食另選領路人四名從蠻南之後東南方再遊是日宿於小溝邊

二十八日起行宿於漢夷人寨名曰龜圖有人煙三十餘戶此地屬野人管也

二十九日遊一高山宿於高山野人寨之側

十七年正月初一日起行下山至一壩約隔寨七八里之遙耳聞有鎗炮之聲英人大恐有欲折回之意卽時停驂道左英人命領路人往彼寨查問當時見漢夷人數名來告無事請勿多疑英人再四詳詢知其心誠遂壯胆前進是晚宿於田壩查田壩一里外有寨名曰大地方有漢夷人三十餘戶內有中國蓋

西土目孟正太之弟在斯同住其地亦屬野人所管
初二日停驂英人遣調野人頭目而頭目不會再調
夷人至問曰此去有古永一地從何路而去予在側
聞之甚爲詫異婉轉進辭曰古永乃我中國騰越廳
所屬十八練中之一練也爾英人縱然遊歷不宜妄
越內地邊界英人曰聞此邊有一路可通古永不過
三五日之程余又將古永人民剛強說之英人又喚
該地人問之該地人告曰此去古永道路崎嶇人馬
難行英人方罷前進之念英人又曰此寨之後有一

路至昔董直達蓋西余曰昔董乃中國地界也况言
蓋西乎勿行爲妙蓋昔董有中國土司孟正太鎮守
有夷兵數千蓋西有中國汛官把守統領雄兵數百
僥勇非常一可當英之十英人聞之未敢決進余又
私告脚人曰英人如此胡行不知利害妄信緬鄉導
之言倘有逆難不得不先作計較防其未然我等皆
中朝赤子當盡忠心設有遇內地守邊將兵我等當
乘機夾攻此英人藉表隱忠或者可轉邀一線之榮
脚人皆喜曰翁之意深爲合衆人意竊我衆馬夫自

從同英人遊歷以來朝夕被他言語相傷不時呼衆曰犬也鳥獸也猪也非人也受此折辱恨之切齒但敢怒而不敢言只因得他小利受彼無邊辱罵非一二日也情願盟誓同翁行事余再命脚人以利害先爲阻之脚人往諫反被英人羞辱而退余又思英人若如此胡行恐有不便於戍初往告孟正太之弟曰爾兄弟世食漢祿今日爾何將英人迎入境界孟正太之弟曰小弟不知其情彼係誤爲該地鄉導引進萬望包涵余曰爾雖遷居異地宜思盡忠於中國今

英人欲適昔董君以利害阻之假威勢驚之則爾大有幸也不然漢員知覺恐爾兄弟難保性命孟正太之弟言也曾有意欲往阻之奈言語不通若得老翁從旁相助方妙於是余亦同往孟正太之弟告英人曰昔董前次漢員帶領精兵數百曾言英人越界則必迎敵切不可輕進英人迭次見阻者殷勤始罷前行之念

初三日由大地方起行上山越橫山斜下再遊他山至一野人寨宿

初四日宿於山崗

初五日宿於野人壩

初六日下山宿於平荒壩有漢夷人寨名曰蠻線約

有人煙十餘戶

此乃由蓋西蓋達遷來之夷人耕田而食者也

越下壩尾亦

有漢夷人五六寨

初七日停驂

初八日由山路再往他山而至一野人寨卽宿

初九日起行至山嶺有野人寨曰朗速兵丁人馬先

已過去好不得在後畫圖從者兵丁二十人畫圖畢

卽乘馬適行至北寨外忽然有野匪二人見其身旁
一無兵丁二無軍器僅一人一馬當下將好不得拉
扯下馬口出大言此時勢孤豈不碍難有先行之兵
一名遙見卽奔告前途英兵折回救援野人見其勢
大而遠去矣

初十日宿於山凹

十一日宿於山凹

十二日宿於野人寨之外

十三日宿於山嶺之間

十四日登峯遊一橫山宿於野寨名曰跑奪有野人

二十多戶通漢語者多

由此去昔點只一日之程昔點乃中國地界聞得如此

是日卽宿於寨外二十里間坡中至晚有一野人姓李名老四來告余曰我雖野人原籍漢家故姓李也又云我乃密奉漢員之委來此以探英人虛實動靜爾等漢人切不可同他英人前往否則有害也次日該寨野人頭目亦來力阻英人當初必欲往昔點一遊此時方省悟脚人亦同余往阻之英人乃不敢前進

十五日英員三人帶小兵二十七名出跑奪山後遊
河卽返

十六日照原路折回宿於壩遇大雨

十七日陟一山又遇大雨卽宿於樹林

十八日由樹林起行至山下壩中卽宿

十九日又遊山嶺宿於野人寨外

二十日折回下山至壩邊漢夷人寨下厄了徒接展
緬人跑呈之信開視後頓然淚如雨下口不能言余
旁問之乃伊母親亡故之音卽日趕程午後至允冒

卽宿

二十一日至二十五日停驂重運糧草至允冒

二十六日由允冒重運糧草順壩而下卽宿郊中

二十七日起行至於荒壩水不及供督令分食斷不能多卽宿於此

二十八日再行連過二溪是日午後至打落卽宿人煙二十餘戶亦有漢商作賈者一二人

二十九日至二月初一日盤坐

初二日重運糧草再遊山是日未刻宿於打落後山

之坡下

初三日遊一大山過一河卽宿於山凹

初四日越山而行復順山而下至一壩漢夷人約十餘戶

初五日越對壩山尾直上一山有領路之野人獲鹿一支獻上午刻宿於半山嶺忽遇大雨由此去昔馬只一百一二

十里

初六日因雨盤坐不行英人曰此去定往昔馬霸一遊余聞之不安突然有野人二名乃由昔馬來厚籍漢人久而變爲野

也。余卽用善言命二野人以利害阻英人。野人欣然往告曰：前數日漢聞英兵犯界，已發來昔馬壩。漢兵六七百名往，必起釁，切不可往。非敢妄言，如不信，請往試之。是夜遙遙共聞有鎗炮之聲，各山響應，英人皆驚恐。

初七日早，英人皇然催促起行，迅速折回，隨下山，仍宿原宿之地。

初八日別遊一山，至一田壩，有漢夷人二十多戶，卽宿。

初九日直上一尖山遇有野人寨約十八九戶越十里許又至一寨約有野人三十餘戶是午轉下山宿於坡脚

初十日出壩至壩外觀之亦寬大卽有緬夷寨名曰蠻妹有人煙十五六戶前面有河一道過後宿於河邊至此有脚人一名因三日前沾有瘧疾英醫不能調治病已垂危命該寨頭日照料三日卽亡也是午卽宿

十一日起行由壩頭上山卽宿於野人寨之五里外

偶見脚人告英人曰此半山之間一無草二無水牲口無食何以能行必下坡放馬方可兼可駝運草料告畢脚人牲口一並下坡此坡與宿地相隔不過二十餘里途中有野匪三四人截搶去牲口三匹脚人手無軍器何以爲情有一年幼者大胆空手禦之被野匪舉刀砍傷約去肩皮二三分不甚重彼卽上山奔告英人英人卽差該寨野官究治已無踪跡十二日照原路折回宿於河外緬寨約有人煙十多

戶

十三日停驂候之又喚野官追究搶案至晚來告云人雖查出是否亦未可知至晚英人卽又差寨外緬人往告野夷頭目若還可隨後速爲送交不還姑聽之可也

十四日折回原路一直下壩返至打落地方是日午刻宿於小溝邊至酉刻有野人二名送牲口二頭來還下餘一匹詐言失落不知去向

十五日起行皆遊荒郊草旺丈餘由此山至山脚約二百餘里中有大江順流長約七八百里乃一帶礪

繆之大壩也樹木森森惜無耕種

十六日宿於荒郊

十七日宿於河邊

十八日宿於樹林中

十九日折至打落再停驂三日

二十日至二十二日停驂

二十三日由打落直順江壩而下宿於河之對灘是日好不得因足染小恙已於打落乘舟從小道折回新街矣

二十四日起行上一山復遊一山宿於小溝之左
二十五日起行午刻卽止宿於小溝之左查此小溝
之水深不過四五寸寬不過五尺溝之下有一積水
池約深一丈寬七八尺因水下流久之而積爲池塘
脚人到此求魚爲食入水取之因知水性往來不懼
有一脚人乃夷地之野人久與漢同彼不知水性妄
入其間落水而亡

二十六日直往壩外而遊過小河卽宿於緬寨

二十七日宿於郊中

何掛言
二十八日宿於打哩壩

二十九日由打哩壩起越過中下二路坡脚後順河而下宿於姐閣

三十日至三月初二日由姐閣下蠻弄量道里是日不來特由此起身下街矣

三月初三日移糧過江卽宿

初四日宿於老蠻弄

初五日官兵人馬折至新街查此脚人隨同遊歷之期實只有四個月而仍得五個月之工資共計洋銀

壹萬捌千員以上皆余所身親閱歷者也

偵探記卷之下

密察英人窺探潞江下游以東至九龍江一帶邊

地情形

騰越張
成瑜

光緒十六年十月十六日英人由瓦城內直出東門
一帶逐日所經地方寨名開列於左

十六日起

颯也奔碇

傲奔利

未洞

統波

至此

六十里止宿有黑人
兵五十名將一員

十七日

是日
進山

翁覺

鳥簸

邊咱

至此七十里止宿
有緬兵五十名官

員

十八日干已磳 更咱于蛙 松洞 青磳 此地有緬兵三

十名官一員漢呼象孔乃一百五 多崑 邊伍 至此

十年前傳經畧征緬時屯兵之處

五里止四宿此地有兵二百

餘名黑白人各半大將一員

二十二日又起 打伍 越講偶 越厄 密艾已

外温 至此七十里止宿有黑人兵一百名將一員

二十三日本不委 至此八十里止宿為緬與松澤錫簿三處交界有緬兵三十名官一

員

二十四日則誥于蛙 多宜于蛙 豚翁于蛙 益

俄于蛙 曼簇 南暮繆 至此八十里止宿有黑人兵五十七名將一員錫簿土

司來
迎

二十五日越嶺

戛倒

苟堤

奔簸

礮堤

至此八十

里止宿有黑人兵
三十名官一員

二十六日腦奔

奔代

標礮

阿猛

拙礮

至此八十

五里止宿有黑人兵
五十名將官三員

二十七日強巧

農按

金細

至此八十
里止宿無兵丁

二十八日南亥

波鳩姐

納利

諾改

繆息

繆宏

即錫簿新舊居也至此八十
里止二宿但有兵房無兵丁把守

二十九日去會土司問土司一百五十年前漢將
征緬時曾經錫簿過江造竹橋於何處又於何處

貞潔記

卷下

屯兵土司云此事父在時亦常談過當時用竹造橋隨後就毀故不能記其所在至屯大營處卽現在我居之處也因命其指視土司就指其處果然有漢家屯營遺址又問此去東方一帶帶漢人兵否答云不有問訊畢卽回路次告其屬云到處須如此問明方可定行止

三十日又起 姑寡 揣老 礮咱 至此八十里止 宿有黑兵五十

名白官 一員

十一月初一日息恩 止宿過錫簿江江邊止至此錫簿與木邦交界但有兵房無兵

初二日農壤 開暮 至此八十里止宿有兵五十名將一員

初三日丁納外 宜厄漢 邦海 納蓄 至此八十九里止七

夜此地設有阿也拜又有黑白兵千餘人將官全離木邦二日程

初十日又起

腊休街

南跑

至此七十里止宿有黑人兵一百名將一

員自此以往並無兵丁矣盡是未曾投過的地方也

十一日蠻猖

罕達街

蠻邊

至此八十里止宿

十二日大耀

崩龍

們養

呵丙

農木穩

稿

農們 門灼街

至此八十里止三宿

十五日又起

納宜外

南巴

有漢人四寨

板俄利

立外恩

宜額恩

至此八十里止宿

十六日邦婁

蠻碼

至此八十里止四宿為木邦與管幹交界之處又曰瓜農門地方

二十日又起

母馬

丁坎

同上

異地同名
下仿此

茶

山有漢

岩 猛曼

蠻宜岡

温岡

南竄

至此一百
里止宿據

夷呼水曰南藍色曰竄漢人謂之黑水渠至六七月
本土人亦不敢飲此水觀水有數樣顏色且聞瘴氣
晝夜不息倘有人悞飲此水者
不死即病此水之毒甚可畏也

二十一日曼猛

硇咱

農連街

至此八十五里止
三宿漢人砦因聞

前面有兵相阻故
留此以探確否

農連街漢夷雜處係管幹地方召農門土司所管
也特遣阿麻已來迎并帶有禮物道地方安靖又
云去年戶款六千銀曾收着否英官云已收矣阿
麻已稱地方苦楚請減千數不允但云我去遊地
方待汝為鄉導阿麻已一
直同去直到臈休方回

二十四日又起 南梭 山心 兒外奇柱 南木

穩 南沒宜惑 蠻青 至此七十里止宿南去數里有買針城土司駐札到此土

司父子來迎

二十五日邦門 開帕 至此八十里止三宿

至此管幹地方完又東便是那老地方北去是暮海地方

二十八日又起 蠻丁 外鬼 南泥 至此三十里止宿直去北

方過三而外江路甚艱難因至暮海地界即啞喇國也

是日臨行有那老地方土司來會官謂此來肯投否答若末海肯投我當效之不然亦不敢從也問何故云恐被鄰境辱笑非有故也亦恐有干戈那時難以自保問地方間近太平否云無事問米食

貞架已

卷下

四

多寡云不多亦不少問由此去汝處有好多路云
五六天可達問境內所務云種田烟豆在隨人心
數語便行帶來人
五六百器械俱全

二十九日邦海

蠻南泥

有上下

南祐

硤卡

砦

蠻盆又名暮海

至此八十里止三宿

蠻盆即暮海土司住居之處也按暮海地方雖是
巴夷做土司其實葫蘆王之境界不服漢夷管論
其地方不讓九龍江之濶到時土司并不來會亦
不送禮只是催促起程不許久留無奈只得折回
依然來至管幹界內之關帕改向東方去
此番到暮海大失局面洋人怏怏不樂

十二月初二日由暮海折回舊路仍至管幹界內之

關帕

緣暮海土司不來相投又不許過彼之地方游
覽云若真正定要過去我必調兵與汝洋人共

決勝負如欲不生禍患快快回去免致動手兩家失了和好阿也拜曲意婉求而暮海土司勢必不可已折回故不得

初四日自開帕起程向東方去 南卡 邦牙 麻

曼嶺 蠻當 板種 農散 蠻董宏 至此八十里止二宿

初六日農椽 那老 至此九十里止五宿一路盡是柑子樹林滿樹通紅

那老土司來會洋官送去洋槍洋氈之類土司亦有還禮係食米草料等物洋官教寫信去叫滿冷土司土司云彼又是一個地方豈我所能喚得來也洋官只是問前路難易兼要引路人耳

十一日又起 是日過大小河十七股 南吾 南余 蠻炭

乃猷 湖決 至此八十里止宿是日過三而外江去是滿冷地方

十二日 是日過大小河三十五條 蠻孟 蠻農 南金 至此五

宿

十三日 蘇腊 侯崩 蠻憂 那怪 至此七十里止 宿此地為那老

與滿冷交界之處

十四日 蠻而外 硤纜 至此五十里止宿

十五日 南不物 至此五十里止宿

十六日 蠻稿 南龍 南麻龍 至此五十里止宿

十七日 芬邦養 至此八十里止 宿有頭日來會

二十日滿冷土司來會洋官送去洋槍洋鹽各物 禮甚豐土司喜甚求洋人帮與孟連講和許之到

時彼正與孟連鬪洋人寫書與孟連教他來投又
教收兵不可與滿冷鬪若不聽我當助之孟連得
此書甚怕不得已
而從之兩家遂好
二十三日接孟連土司書札大約說旣蒙好意幫
我們勸和不敢違傲是日又有由孟連探事回報
的人云孟連土司於十九日命快腳去報鎮邊廳
文武言洋人將到孟連的事計今已抵邦養不過
三數日之懸隔如何裁處請早定計又云我孟連
不敢與之作對倘彼到來只得納降如不准我降
請卽發兵前來救援等語洋官聞之連命數人去
探虛實故紮住邦養不動及後聞得實信並無救
兵之說放心前進至廿四口方起程途次又聞孟
連已得鎮邊文武書札云只觀他到時兵之多少
當迅速
報來

二十四日又起

板送

南麻立

邦麻菊

南護

憂莫

至此五十里止二宿此是鎌場有頭目駐紮

滿令土司住處滿令自來不服漢夷所管至洋人親至不得已而投非本心也是日途次謠傳近日孟連界首有漢兵數百抵住聲言奉命特來要擒洋人等語因此人人懼怕多欲辭歸內有數人夜逃洋官亦信之遂連夜去底革土司處教親信人前去再探是否是夜有人來軍中報云孟連土司早已去報內地矣此去必有不美事也至是官亦疑惑不定次日回報云並無此事請只管前去我滿家力保勿虞也問明白又敢前去沿路教人打探

二十六日南木不穩

有上下二寨

南泥物

至此六十里止宿此是掏金河

有金糠浮於水上

是晚至南泥物河邊有頭目帶領兵丁數名俱是喇喇直入阿也拜所居帳內插花帶柳手持戈矛

每人腰携一囊內裝人頭六個云是廿三日與孟連打仗戰敗孟連得此數人之頭因聞尊官等在此特來求賞又云孟連之兵已盡退去界內我眾亦同時撤矣

二十八日那木婉

蠻宏

南邦

至此五十里止二宿

有滿冷土司的將官來會問近日軍務如何云昨日已退完矣但各守疆界耳又問孟連之兵現在何處紮住云在隔江們阿寨屯扎此去不遠也

十七年正月初一日楚猛

至此五十里止宿過江

初二日碣卡

育海

有上下二砦

蠻賣

那而外

至此六十里止

初三日哈代

八三

邦產

們呵

至此六十里止三宿

到此恰過江滿冷地界完已是孟連地方即孟連
 與滿冷打仗之處初四日阿也拜與兩家講和亦
 各遵命收兵而兩家各遣使通好但滿冷意甚不
 然因怕阿也拜之力不得已而從之孟連則甚是
 感戴按孟連現係順甯
 府所屬相離六日程

初六日又起 麻得牙 南卡 蠻朗 猛鳥 至此

宿里止

是日官民遮道而迎羊作禮笑容來投彼
 處百姓云土司最賢又甚弱會時方知其言之不
 謬也

初七日蠻殺 蠻連 南丁 東南河改 至此八十里止宿是

夕下雨山鼓 高步履甚苦

初八日衷賈

孟連城

至此九十里止四宿

初土司聞洋人至便欲逃竄因屬官力諫故不逃
 遂於十里外躬迎便許受約束此處離順甯府十
 日離鎮邊廳五日鎮邊武官姓遲名東曉又姓余
 文官姓李因裸黑入常反故立城以爲久遠之計
 按鎮邊廳地名圈洛力即裸黑住處亦即孟連之
 屬地遲大人於裸黑丁奪回城係在四年內所造
 也有地稟明近因裸黑反內地委遲大人來征勦
 去內地稟明近因裸黑反內地委遲大人來征勦
 裸黑以安孟連若不有遲大人來孟連受滿冷與
 裸黑二家之夾攻豈能均立哉現在遲大人均與
 半平裸黑有數處未平小不能久持問及官聲無
 不頌遲大人好施濟衆德不能久持問及官聲無
 又有其部下之親兵數心在孟連聞之甚是敬重
 人近作何事云要來此處與土司說話又問何日
 來云在此一二日內耳洋人聞遲大人要來又聞
 有重兵相隨遂不肯多留人而他適又東和大倉

二處有李劉二大人扎住云卽遲
大人的部下將官兵有千人把守
初十日洋官去會孟連土司請其印綬看後問接
此印時曾有詔否云詔之有無不知也又問猓黑
人曾打平否云猛卡一處至今尙不平土司又說
去年臘月間有豹大人去打耿馬地方兄弟之亂
耿馬之兄多厚賄賂請作帮手弟力不及遂被豹
大人擒而戮之地方人不服控諸上憲上憲知其
受賄故殺卽遣差擒回省去此在臘月廿八日事
也又云今替豹大人之任者卽遲大人是也現在
圈洛造鎮邊廳紮住洋人問此一帶有多營營
云南靴大橫山上改心南扎東密數處也看土司
之印文曰孟連宣撫土司印外一行字曰乾隆一
千八百九十七年製造又一行字曰乾字四百二
十九號據洋人說與土司云華英二家現今兩相
結納我英人亦有在北京做官甚得
寵若二家不睦何能
如此爾只管放心也

十二日又起

甲

現有產銀處因土司不器三年前已被猓黑奪去矣云此場甚旺惜

乎土司之穩檄

景堪

沒龜

至此八十

十三日湖决

至此九十里止宿

十四日農邦

至此八十里止宿盡是松坡削壁危巖虎狼之聲不絕於耳

十五日蠻戈

至此五十里止宿有火燒砦本猓黑砦也因遲大人至付之丙丁以除巢窩也

十六日南木

至此六十里止宿

十七日弄岡

漢與猓黑雜處連騰現在孟連與九龍江交界之處

景邁

至此五十

里止宿漢與夷人雜居此處有

李千總用事離普洱府七日
按景邁即九龍江地界係思茅廳所屬滿山皆茶樹普洱府客商來辦茶售貨者連絡不絕是日有

李總爺的人來送米柴草料
總爺乃獮黑官非漢官也

十八日蠻腦

木本

蠻登

婉保猛滿城

至此七
十里止

二宿過南朗竹浮

橋即南朗河也

按此為有土司之區乃即十三板之內是日土司
來迎洋官問安靖否云數年不得太平現在猛者
與九龍江相爭正在逐日打仗問九龍江離此好
多路云十數日問何以相爭云猛者土司乃九龍
江宣慰王之臣因宣慰

虐民故猛者與兵也

十九日晚猛者與九龍江打仗但聞槍炮
之聲猶如炮竹少時猛者兵丁槍斃七名

二十日蠻扁

新火山

漢人砦種
烟為業

帕靴

至此七十里
止宿有高山

二十一日蠻戈

蠻貴

蠻恩

兵奔

蠻海

蠻

賣蠻外 猛遮至此八十里止

有土司駐紮到時命手下兵丁持軍器守門不許

一人入城雖想買米菜亦不能彼民自賣與洋人

亦并不許過日阿也拜命通事去探虛實守門的

問何人由何而來欲去那里云特有命而來要去

城內見土司官問何人之命云阿也拜其人拍掌

大笑云汝以阿也拜為人我主官視以為山猴子

不成說他狗又不像汝快快回去勿纏我倘我土

司知覺恐汝等當不去通事不得已煩惱而回實

訴與阿也拜並不見怪少時土司出城來會兵丁

數百相隨左右持槍的特把發牙主住目視洋人

其容可畏問此來何作阿也拜云欲與汝兩家講

和待觀貴地景致土司云因宣慰欺我奈何汝來

講和也且看汝遠客之面若宣慰認錯我當聽子

子去矣勿留也遂起回城而去觀土司之容甚傲

慢洋人言詞亦然年可二城而十一二歲亦是九龍江

宣慰王屬下土司因兵強地濶不服宣慰管轄宣

不
言
慰怒而征之
然無如何也

二十五日又起

景針

至此五十里止宿漢夷雜處
皆是種茶之區現在九龍江

宣慰土司與猛者打仗
之處也又卽交界之處

是日洋官命管幹跟來的大臣一同去兩家紮營
處教手下衆焚燒營砦又教兩家兵丁務要卽時
撤去不准暫留若執迷我必不容衆丁聞令哄然
而解頃刻各人裝束散歸洋官命人徧告以後切
不可如此須要和睦縱兩官不睦爾等百姓何苦
來尋煩惱以後各保性命爲重不可糊塗爲是

二十六日農羔

慢那

汶岱

蠻戾

麻亨

猛

海

至此七十里止
四宿有頭目處

宣慰王亦在此間因與猛者相持故出征至此相
會卽日聞有內地委員思茅來的洋官命我去會

以觀動靜兼帶有多少兵丁去數里公所中果有
委員二一刀丕文一張文先丕文云思茅廳朱大
人遣來的特與兩家講和張姓亦如此說但張由
普洱府來的予至時問洋人此來何事莫非有取
此地之意否予說雖不能知其意中之欲然觀此
來之不憚煩不言可知也卽辭出丕文云我晚間
欲至洋人處煩先生爲我道達至囑予歸僞
告巴云兵丁只有二十餘名目下兵雖少然鎮空
渡口處紮下營三座俟委員調用巴問余可以信
否予云觀此委員深有謀略當不謬也巴曰若如
此不可渡鎮空渡口去只到
九龍江可以回矣免生禍也
二十七日委員刀丕文來會洋官問所務云專一
要與兩家勸和問來到此處多少路云五六日耳
又問由那條路云由鎮空渡口而來過不着大牙
口也委員云今聞大人等幫兩家業已講和深爲
可賀予等亦可以東裝矣洋官云我等此來並非
有公幹不過到明年兩國要作分界事是以先來

徧觀情形以備將來得以現成耳委員言我此來特奉上憲之命講和若那家不從申文去報內地請兵來征剿不意大人等均已講和實出望外而大人等此舉有功於我國不小也洋官問帶來兵丁幾許云隨帶來幾個侍從耳本擬帶數百兵前來恐驚百姓反致不美故只帶數人俟有不遵王法之士司那時容易剿除耳

是日阿也拜去會土司帶去禮物甚豐話間說要兩家和好不必爭鬪又云現在我幫爾等解和不過了傍人的事但爾夷人還有甚麼理要講只管方便不干我也我只是要爾等不在相鬪耳是日洋官命予去會委員待探動靜坐間張委員云爾等大人此來莫非有取我九龍江之意否若論九龍江一帶乃是自古以來中華皇上的俸祿如果有意但恐內地聞知守境者不能容也刀的云容與不容須在上處裁奪若論真正不容又何能到此處但看一路並不有阻擋之人且洋

人來的事去年五六月間已知之矣並不聞甚令
傳下各處如果不能容早已作備何待今日也此
事我等不可糊塗各人管各
人的事便了不煩深言也

九龍江有別名曰十二板那每板那大土司一其
手下頭目小土司約有百餘或數十不等其最大
者即宣慰也西路板那之名曰猛海曰猛
昏曰猛門曰大老曰猛龍東路板那之名曰猛罕
曰猛養曰針倒曰猛
腊曰猛朋曰猛腊

二十八日遇有總管抹女一帶土司地方之阿也
拜直由仰光火車路到繳澤方登乾路由東南方
來鎮東一帶相遇於猛海城彼等帶來兵五十駱
駝百餘駝牛數十至途次牛不行遣去之不全路
我等向東去九龍江一帶
彼等向西北去們肯一帶

二月初一日又起 文遠坎 蠻采 蠻亂帕溪

蠻見 蠻亂 蠻六 們送 蠻便 蒸阿 蠻邁

至此八十里
止宿路甚艱

初二日正岱 至此九十里止
宿有頭目處

初三日蠻賣 蠻南 而外籠 蠻而為 農果

蠻岡 止三宿夷呼蒸哄漢曰九龍江又曰車
里緬曰蒸永已現在宣慰王之城也

此處係思茅管相離二日云每年有委員來收俸
祿銀四十五砵此年年之事也其地甚潤又出茶
處普洱之茶盡由此處辦去非普洱府有茶樹可
取也又有茶貢現在出茶處名曰俄腊易武倚邦
此三處盡皆出好茶之處與別不同至蒸哄夷地
已極過江東岸去便是思茅是以至九龍江就折
歸由野喇喇葫盧王界內截出板弄景東麻離壩
芋自中猛又到孟連滿令過三而外密又轉出木

那一帶直取阿瓦路徑記自十月十六日起至二月初三日方至九龍江

初六日由九龍江折回直至西北路 蠻農哄有上下

寨 蠻散箴 麻降賽 蠻彩 蠻別至此七十里止宿

初七日蠻達 底康 蠻璞雅木温底至此八十五里止宿

初八日農鑿 蠻卡 八三 蠻后們至此八十五里止宿

高危巖多險

初九日蠻棉 蠻養 蠻貢 蠻漫 蠻謀 蠻棟

蠻懷艾 蠻燈 大厚冬 蠻漢 蠻柄 猛邦

啟又名猛板箐至此八十五里止宿山最高

自二月初三日，到九龍江城歇三夜，至初六日由東而西，直折回，路出猛海上，手越出東隅野，喇喇地方一帶山路，初九日到猛邦，啟又與前在猛海相遇之阿也拜會，合一處歇，并同路數日至十三日，至猛馬蒸東地方，十四日方纔分路，彼向西南去，們肯地方一帶折回，彼駐紮之處，抹女繆我等向西北角繞出，蒸東地方之東隅，又轉出西來，到孟連界內，猛馬歇二夜，又到們阿來時歇處，方纔向南而西，又轉出北隅，來野喇喇地方一帶，內所經，猓黑人、堯人、崩龍、苗子、撥弄，數種人物之境，其類不一。

再抹女繆之阿也拜，凡緬國所屬諸土司，一共着彼管，直到蒸東地方，止我等之阿也拜，因前來打洞拜山一帶之土司，得克以故，升為阿也拜，得由松澤錫箔木邦，直管到九龍江一帶，南則以蒸東為與抹女分界之區，東則以九龍江為止，緬國所有土司，只此兩個阿也拜所管耳。

初十日蠻帕

猛板

至此八十里止宿
山高有酋長居住

十一日猛養

蠻大后

蠻蒸

打老

至此九十里
止二宿山高

路艱有土司駐紮至此處恰過南麻朗
河九龍溪與蒸東地方交界之處也

十三日又起

蠻弄

蠻蒸法

蠻報

蠻各

蠻

參

丁卡

猛馬

至此九十里止宿

有頭目來迎兼送柴米是夜大雨傾盆坐而待旦
頭目到時洋官以善言撫慰一路如此甚得土司
冰服譬如黑暗裏
出來初見天日也

十四日蠻邊

南開

南余

至此九十里止宿是夕
大雨風雪露宿寨傍林

間

十五日蠻似

岡耿

岡不穩

至此七十里止宿午後途次遇大風雨直

到子時止山最

高步履艱難

十六日邦老

們養

有土司居此不來迎洋人途半去會

蠻弄

養老

至此九十里止宿頭目來會送薪米

十七日麻稿罕

波庫

謀丁

南丁

南夢

南

麻

南戾河過獲那

猛而外

們宜外

至此九十里止宿山高兼

乏飲水每甄水銀三錢夜宿林下聽鹿鳴獅吼之聲毛骨悚然

是日有由九龍江來的客云華國來的委員於初七日過猛者城去因聞猛者又反特去解和洋官問是否客云猛者土司於官等去後又復興兵矣而委員亦無可如何也前假和者因怕主官之助

現在委員不有兵隨是以土司放心與兵耳

十八日洞宜物

洞客

至此九十里止宿山水兼程路甚險有堯人塞

十九日腊浮

裸黑人寨

同上

蠻阿

此蒸東與孟連交界之處

蠻宜厄

猛馬

至此百里止二宿山高依舊折到孟連界內

是夕有孟連土司之信內云特來請阿也拜再去彼處與裸黑人講和現在裸黑人又與兵來到蒸亨蒸馬二處紮住離城半日路程聲稱要來攻城勢甚悍猛危在旦夕又云現在圈洛不肯發兵還要主官相助方保得全不然我孟連難免無虞也洋官回書云保無事也不復去是日有裸黑人來帳中敘話問及起兵之故云此番起見因孟連已服洋人恐說出金馬鹿的故事耳問金馬鹿之事如何云由孟連去二天路有一條河兩邊是山山巔有一金馬鹿常遊息食飲於

河之左右出時滿山皆黃真如月光也
 間孟連土司將要引洋人去取此馬鹿特預先來
 紮住山巔以觀是否耳非欲攻城也按金馬鹿之
 事係實事云在獐黑與野剛喇兩交界內常有人
 見之

二十一日又起 板弄 胡卡 蠻海 蠻浪 邦

弄 至此九十九里止二宿過南朗河又是孟連與滿冷
 交界之處現在滿冷與孟連在此處打仗紮營也

二十三口又起 蠻倉 同上 此滿冷與諾菜交界
 之處又名喇喇地方

猛統 靴寨是異種人物即 苟邦 猛驟 至此一百里
 食人肉之野人也 止宿山高

二十四日用邦 幕海 雜鷺 有左右三 而外鷺 此
 寨獐黑人

八十里止宿山高諾 萊與們甕交界之地

二十五日而外駑 靴攀腊 至此八十里止宿山

二十六日而外弄 而外蘭 靴諾坎鳥 至此九十里

有土司駐紮不來會亦勿送禮

二十七日蠻每 蠻惠 南衛侯 至此八十里止宿

地方交界之處也

二十八日那盆 至此八十里止二宿係

三十日又起 蠻哄 蠻泥 蠻呵 邦阿 邦列

某脂 至此八十里 止宿山高

自入們囊地界以來連路有野喇喇寨便有人頭以木柱盛裝於內并由寨門外栽起或五十三十

不一若捉着外方人就殺之頭則祀神祈禱雨水
身則搏之爲餚且其父母若過六十以上者遂做
高臺負而登搖而下之待其死分隣戶而食之
云因不忍棄父母於地下故食之以報天德

三月初一日蠻森 憂傾 同上 頂憂 阿八戾

南馬 至此九十里止宿河邊們
肯與硤總交界之處也

初二日阿八腊 邦及庸 同上 靴 同上 硤

刮 同上 至此七十里
止宿山最高

初三日而外弄 靴卡古 蠻倉 南泥 至此七十
里止宿上

下路有土司住紮硤總
與猛角交界之處也

初四日蠻鬧 和們 蠻會 漢寨有土司之處越日
親自來會兼有禮物

猛媽 又名新地方至此八十里止三宿山
最高盡行山巔倍覺苦楚是漢人寨

初七日又起 蠻農 蠻各 養級 養帮 蠻菊

至此七十里止宿山路小徑猛角
與葫蘆王喇喇地方交界之處也

初八日女卡 碁戛 農滿 板寬 們戲 至此一百里止

宿河邊 路甚艱

板寬即葫蘆王住居之城也路出城內是日眾到

城外阿也拜當先方欲過去其大臣瞥見呼眾鳴

鑼各持兵器一哄而出便問甚種鬼怪抑前聞人

言有洋人將到莫非汝等麼通事云便是因見阿

也拜不下馬人人戟手大罵阿也拜不知其故馬

上不以為意而大臣命手下開槍那槍子由馬
首而過急得阿也拜面如土色從人亦个个懼怕
有知者教阿也拜下馬方不施槍但內有數野喇

貞采已

卷六

三

喇偏於人多處施矛弄刀指天畫地大笑大罵不
 止頃刻有板弄的回匪跑到跪求願以滿家全保
 且云此由九龍江各處回來徧觀景致非有甚麼
 心事保勿虞也回匪乃彼之百姓多方免求野王
 無奈只得忍怒而言曰若想過不去我要汝的銀有
 頭的一担如不允汝等便生翅亦不能飛而去也
 我與汝併个汝亡我活阿也拜暫允之說到下馬
 處送來也彼時大臣一呼手下人奔而去捉一小
 狗擊死由城內掃地而出至大門以狗腹橫掛於
 門柱之上大臣又命攜葫蘆裝水來又一人奔去
 取到大臣親自畫符念咒手提大砍刀咒畢教阿
 也拜先洗手隨從者都要洗洗訖命去狗方許過
 去只教快送銀來不可遲誤到河邊沙灘之上其
 炎較尋常倍苦少時官命送去銀六十元洋鹽蓋
 物各全并收之不有回答亦不來會只說教早早
 去不准留連是夜衆宿於沙場之上三更更有老虎
 來到牽阿也拜所最愛惜之馬而去衆莫知也四
 更後有寨內人來告曰汝等快察看各人馬牛一

夜聞虎在路傍狂吼狂叫必有失牛馬也各驚看
有守馬的云我看的馬不見官命去尋及晨已斃
於寨外大路上吃大腿幾盡其本土夷人云此乃
賭咒心中有事神怒故遣虎吃頭人因其人命大
被馬當此厄也我處神最靈切不可犯犯之必充
虎腹無不效驗爾等戒之過彼處之山與此大不
同盡是六石或大洞大箐三月間亦有霜
露夜則寒日則炎其地又毒甚可畏哉
葫蘆王自來不服漢緬所管所有內地逃避兵難
的回犯盡歸於此寨名板弄有丁金猛卽官長也
掌弄兵權現在兵二千餘橫行無忌常有去內地
復舊仇之意一心投洋以爲帮手若不早除必爲
內地之患也

又葫蘆王地方比之九龍江地方各不相
下直至小江邊虎班與麻籬壩交界之處

初九日那幹 南翁 帮冬 邦永 至此七十里止

初十日乾壩子

庄弄

漢人寨

板弄

至此七十里止

戶數千兵二千餘即丁金猛駐紮之處阿也拜到時

因身病不能親自來會命頭人先到板寬接至寨又

命頭人來送烏牛白羊為投降之儀并寫文求阿也

拜收錄彼回眾要幫彼等伸訴女王云受華人之大

冤特請幫復此仇并云投降之事不可使葫蘆王得知

河

十三日又起

宮花

南巴啟

漢二寨

猛磳

至此七十

十四日猛磳下

猛而恩

漢二寨

們連

們板

虎班

南湖 至此六十里止二宿在江邊漢夷同

居葫蘆王與麻籬壩地方交界之處
按麻籬壩亦是一個土司因木邦土司與之交好
洋人使之教來投遂得之兼之磳弄地方于市中

猛各處凡相連之土司盡被木邦土司說來投降
故洋人不費半分財力安享麻籬壩一帶地方此
皆木邦土司困桑董紅之力
實卽困桑董紅萬死之罪也

十六日又起

邦海岱

邦海

多木穩

和倒此

七十里

止宿

十七日牛平子

漢寨

白沙水

麻籬壩又曰獨牛又曰

老街

至此一百里止二宿此一帶盡是漢人有楊街
長漢官駐紮來送米柴草料是日途次大雨衣

袴盡

透

十九日小新寨

羊角山

盡是漢寨

蠻冬

至此八十里止宿

二十日

大雨至夕方止

猛果和

同上

獨家村

果是獨家漢人種地

為業湖南長沙縣人氏李挾象狗 羊頭山盡是漢寨 逃難至麻籬壩移居在此

流壩寨立山巔並無水飲故名深流彼 店堂 黃薑

林渡口又曰硤弄渡口直出路江之大江也名三而 外密至此一百三十里止宿麻籬壩與硤弄

交界之處也

二十一日南庄至此九十里止宿漢寨山最高

二十二日新寨 硤冬 猛籜至此八十里止宿山高

二十三日彩誥苗子 猛毛 猛宅 們探至此九十里止宿

二十四日蠻南台 而外彼 猛抹至此一百餘里止宿有土司與

頭目 居住

二十五日南領河過弄而外 同上 下寨 碇界 至此九

宿山高 路最艱

二十六日蠻苟 南自腊 碇哥 搗科 至此七十里止宿上

下山 路

二十七日决安 那其 蠻宜 木邦城 至此一百

二宿山水 路各半

有土司之區現在因桑董紅是也走一百五十
年前漢將傅經略征緬時由木邦之路經過土
司投降至今洋人得緬國之年土司曾去內地丁
軍門前請兵救援丁軍門許之即賜土司洋槍三
百餘節土司欣喜而回至則洋人已到錫箔命錫
箔致書於木邦教來快快納降木邦因循以俟救

貞棠記

卷下

三

援假語應承不料丁軍門之兵不至而敦投之信
不絕土司意欲移所有百姓入內地奈衆心不一
欲與洋人爭鬪又奈兵弱是時洋人之兵已抵木
邦界上之息恩寨一路結下砦柵洋人初至息恩
聞謠傳漢兵已到木邦只候兵來打仗等語洋人
懼使人探得實情並無其事始放心進兵直到木
邦之納蓄歇數日始來圍城并責其不禮欲加罰
焉不得已而投之非本心也斯時風傳洋人來兵
二千到時只有黑人五百零惜乎丁大人之謀不
果也豈非失時乎此土司親口之語也因予去會
時問及地方之事土司遂自說出此話後戒我他
人面前勿言觀土司尚有不
忘中國之情奈當今
之爲官爲將者何其不肯振作睡着未醒耶目下
賊已出入境內誘降土司尚不見甚將來迎甚官
來問敵人如此猖獗莫
非要待天雷擊死耶

二十九日又起

木穩大

砢腊雜

邦中

當老

木穩利

丁木穩

至此九十里河邊止宿是夜大雨直到午止

三十日由九龍江轉出西北角又回到腊休

即納蓄現在洋

人文武百官駐紮

予自二月底起患腹痛足痛之病腹痛之病因逐日吃着生米飯之故一日只是一餐至歇處九點鐘時方得吃如此者半月餘足痛之病因腳蹉生疽又無馬騎記去來七個月不足十七天騎馬之日共只二十一天雖云二十一天上坡就下馬也半騎半牽而已欲說此回之苦非筆舌所能盡也

--	--	--

11

11